

燮昌火柴有限公司股東大會

本公司定於舊曆三月二十日下午一時假座法租界東新橋街恒豐里一號商會開股東常會屆時務請各股東屆時出席

除專函通告外特此佈聞再本公司由四月一號起至三十號止停止股票過戶統祈 公鑒

屈臣氏汽水有限公司董事會謹啟

中華民國十四年三月十四日

屈臣氏汽水有限公司召集股東年會

本公司訂於陽曆四月十四號即陰曆三月二十二日星期二下午二時在滬山路八十六號本公司工廠開全體股東常會報告上年營業狀況及選舉監察人屆時務請各股東屆時出席

除專函通告外特此佈聞再本公司由四月一號起至三十號止停止股票過戶統祈 公鑒

屈臣氏汽水有限公司董事會謹啟

中華民國十四年三月十四日

上海華商電氣公司

陰曆三月二十日開股東會

本公司於陽曆四月十二號(即陰曆三月二十日)下午二時開股東常會報告甲子年賬略及選舉監察人請各股東於開會前五日內持證券到公司領取選舉票開會日仍憑證券入場如有提議事件照章在五日前交來以便開會

中華民國十四年三月十四日

中央飯店股份有限公司股東創立會

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

甯紹商輪股份有限公司召集第十六屆股東大會公告

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

本公司定於新曆四月十二日即舊曆三月二十日下午二時假座西藏路齊波旅滬同鄉會為會場開第十六屆股東大會

龍章機器造紙有限公司股東年會廣告

本公司訂於舊曆二月二十八日午後兩點鐘開股東年會報告賬略等情屆時務請各股東屆時出席

本公司訂於舊曆二月二十八日午後兩點鐘開股東年會報告賬略等情屆時務請各股東屆時出席

本公司訂於舊曆二月二十八日午後兩點鐘開股東年會報告賬略等情屆時務請各股東屆時出席

統益紡織公司

召集股東年會

本公司定於三月十四日(即舊曆二月二十日)午後五時假座四馬路一枝香西餐廳開第四屆股東年會屆時務請各股東到會決議是幸除將通告書入場證選舉票決議等件按照通信地址分送外特此登報公告再自公告日起至開會日止暫行停止股票過戶統祈 公鑒

統益紡織股份有限公司董事會謹啟

統益紡織股份有限公司

統益紡織公司

召集股東年會

本公司定於三月十四日(即舊曆二月二十日)午後五時假座四馬路一枝香西餐廳開第四屆股東年會屆時務請各股東到會決議是幸除將通告書入場證選舉票決議等件按照通信地址分送外特此登報公告再自公告日起至開會日止暫行停止股票過戶統祈 公鑒

統益紡織股份有限公司董事會謹啟

統益紡織股份有限公司

大綸紡織有限公司

召集股東常會

本公司股東常會前經登報展期現因辦事待決不能久延內地股東又多在滬未返茲定於舊曆二月二十一日下午二時假座上海北京路宋家弄聯益會召集股東常會以早日解決廠事各股東依期赴席

董事會啟

大綸紡織有限公司

日窮而財日盡加以苛稅重斂將無子遺

與其保問題無關(十三日下午一鐘)

北京中俄會議會辦鄭謙、保高鳳梧以自代、鄭到京即南下(十三日下午一鐘)

何珪章

○素無恒產○全賴其
賺錢贍家○其母體質
素弱○所以每屆冬季
○珪章必煎熬膏滋藥
寄奉其母○繼思膏滋
藥只宜於冬令○逢春
吃不盡○便變霉變味
而不可食矣○最善者
寬得常年可服之補品
而進諸親○庶可望其
却病延年○於是每逢
醫藥兩界之人○便竭
力諮詢○旋有西醫語

○致力革命四
○喚起民衆
○現革
○三民主
○治案產
○於最
○余之兒女已長成、能自立、望自愛、以繼余
○志、孫葬地多主紫金山、(十二日下午十鐘)
○振遠大律師代表邵靜山君
○大律師代表邵禹昌君
○張馮意見 如同意即提、(十二日下午十鐘)
○新公債決定總額千五百萬、年息八
○分十年二十年償還、前二年付息、第四
○年至第九年、每期還百萬、第十年每期還
○百五十萬、九四發行、銀行八六承包、以德
○賠款為基金、安格聯允保管、(十二日下午十鐘)
○張之江赴太原、(十二日下午十鐘)
○振遠大律師代表邵靜山君
○大律師代表邵禹昌君
○孤哀子柯傑初
○齊衰期服孫蕃昌蕃枝蕃祥泣淚稽首降服孫蕃昌

恕言不退

齊衰期服孫蕃昌蕃枝蕃祥泣淚稽首降服孫蕃昌

人丹緊要聲明

啟者本公司自製出品龍虎商標人丹向由中法大藥房總經理十餘年來聲名洋溢海內外咸所聞知曾於民國四年呈奉農商部准予備案復奉稅務督辦署照機製品減稅條例通行各海關減收半稅均屬有案可稽嗣日商森下博將本公司品名人丹

商標局

日商森下博將本公司品名人丹

因農商部

成立本公司於上年十一月特派代表北上赴局呈請註冊不意

寶香山館卷十三

頌

五旬萬壽恭紀皇帝御極之十有四年德茂洽乎萬
縣萌生派類含甘吮滋元冬橘陽之月瑤樞衍機神
篋錫羨恭逢五旬萬壽薄海內外鱗集麇至咸願依
日月之耿光以臚歡抒誠聖懷淵穆深自抑讓祛縉
儀節糜費渙頒恩綸誕洪天庥與萬姓淳漬於膏澤
臣備員詞館義得颺言以抒下情而宣上德輒竭庸
瑣假設對問黜夸耀參忭之辭折衷於恭儉申之頌
章謹拜手稽首以獻有康衢老人晬顏盎容曳太乙



之杖于于然造瀛洲學士之廬而詔曰蓋聞聖王之
垂駿聲而揚鴻烈也類皆有瑰異傲儻炳耀之舉章
焯福應烏奕乎萬禩故蹈德咏仁者丕天之大律也
延簾錫福者宰世之上儀也逖稽邃初泰上成鳩一
族越萬八千歲窺刊楛逸繩昇靡得而標也姚似以
降並齊紀旗翼炳諸壁經當此之時醇化恬澹上韞
豐雍溢熾之象下闕潤色藻被鞏繡之飾鉅典冒昧
函光而未融洎夫質文丕變天長慶成啟聖瑞慶之
節代崇美名布昭令甲雲煜金鏡絃蕤露囊越險踰
嶂琛賁重譯藻曜王會爰暨羣公列服南金北毳御

10343

衣錦綺之貢甘露醇酎九醞之觴君臣樂胥禮暨樂
備梵唄魚山之音幽蜡粉社之鼓旗亭幔閣華鐙醮
筵軒舞而襲鼓者闐溢乎衢巷卓哉煌煌貞寰內之
偉觀已披鏡天人之際非有冠德卓蹤可覆以懿鏢
也然猶揚景貺祝蕃簾鋪嘉會况榮號亦以寵靈顯
慶洽尊親之情豈其為身而有夸辭也今天子執粹
精之德榮鏡宇宙五風十雨之調序三穀九登之薦
嘉吳綽貺符玉斗繇算塗歡里忭喁喁然延頸企踵
以觀慶典之成者久矣且夫嘉慶之元河渚獻期昭
華授璽一堂傳心重光丕宣斯乃黃姚之所以紹鴻

業也。疊壁編珠，卷緯汁旅，昭應炳煥，天文粲然。斯乃陶唐之所以恢昌圖也。黑江浩羽，疇德瑞聖，斯乃姬周之所以膺延祚也。戢暴止戈，有救寧圖功之慶焉。幾餘游藝，有昭倬雲漢之輝焉。脩秩祀，增樂章，儀炳乎殷宗。巡淀翁河，以告灑澹，績偉乎夏后。無假通道，諭書之煩。越南回面，受史量宏乎漢京。茂矣鑠矣，魏煥臻茲。轉前古而莫之或亘，謂宜恢張聖躬之慶。基淳耀愉，愉熙引陞，社於無極而皇儀約而不章。盛典畧而未備，挈三靈之歡，閱春祺和淳之氣。雖云爲抑母，乃簡歟。夫禮時爲大，順次之體，次之宜，次之稱。



次之故脩德以雍庥，順命而流祚，不爲進越也。昔陽德陳九賓之樂，魚龍曼衍，裨洛爲浮橋之遊，車服燭路並義，非閔達藟示來葉微夫。此之爲慶，譬蛙鼃鼓頤於蹈井，曾未聆夫震霆與撞鐘也。漢文躬自菲薄，惜露臺之費而賜酺，或決辰累日，罔以爲奢。且泰維皇集元命，敷錫厥福，故民氣樂而頌聲作，稽之往牒，則如彼參之今日。又如此進讓之道，蒙竊惑焉。吾子近光辰極，飲聞乎禕微，願恭我以皇道而撤其藩也。瀛洲學士佈然，改容曰：固哉叟以山樊之樸，果於至何溺所聞而迷所覲也。夫崧岑幽峽之區，危嶮重巖。

岡巒迴伏自以爲高也躋嵩岱之巔則莽蒼而靡所
際矣川壑霖潦之滙旋流騰涌驚波合沓自以爲深
也泳江海之溟則澶澗而祗既平矣何則器大者不
可以小道窺化神者不能以恒理測自然之勢也書
無逸一冊衍聖君哲后祥錫之源甄嚴恭履祗畏深
惟晏耽樂之戒用能祉祚鴻衍尊貴無上等等壽於
東皇洪惟我國家列聖啟基昊穹篤祐代綿延洪之
錄申錫靈長之符周甲重紀四得闡論德施大而世
曼壽洋洋者帝者之鴻庥柏皇栗陸循蜚疏訖之祚
方斯禩矣皇上纘承乾構扇淳風以鼓物執大象以

釀化出震見離閱茲踰紀不敢自暇逸恢崇祗庸爍
德懿和之風俾前聖之緒布濩流行而不韞韜是故
升香步玉袞祗肅昭事也紹衣繩武覲揚迪前光也
巡鄴祭畢弓劍展孝思也臨雍幸館亮章洽文治也
蠲逋展賑豐離畢之澤飭漕正庾清漏卮之源廣彼
師箴矇誦言諫之塗減緡算達肺石教宏乎薪樵而
治肅乎雲紀朝盈振鷺之美野靜宵烏之聲協氣嘉
生薰爲太平亦足明百代之一時矣夫物豐則易以
飾喜時和則足以廣樂湯武至尊嚴不失肅祗舜在
假典顧省闕遺者何哉懼福嘏日溶而侈心將萌於

逸豫也皇上親政之始固已却貢琛嚴升禁躬行節
儉斷雕皇質返羣萌於樸淳猶復兢翼以勅幾戰栗
以慎憲章重巽申命同履軌迹而鏡至清故讀勤政
殿之記而知宵旰之勞誦明慎用刑之說而得雷
勅法之所自繹宗室之訓八旂之箴悟世祿之由禮
詳崇儉尚廉之論而徵冕笏之澄歌豳風之序詩耕
織之圖諭輯授衣廣訓而仰觀圖匱防逸軫小民之
依綜斯以觀宰物字疇者以天下之樂爲樂而罔徇
一己也紹天統元者以萬世之量爲量而非侈一朝
也其取材用物常習德產之耗也歛賦任役常勉民



下

茶也雖嶽公瀆侯遠郊圻東麾鉞瞻望闕廷而思祝
嘏者聖上猶以爲遠來之勤煩費之無取陳乞再四
抑而弗俞誕惟潔盃斟美以聯堂陞底任土之貢以
廣便蕃之賚劄詩緝頌以抒藻躍之誼沛殊恩以福
方外奏需惟以展蕭露鳴鹿之歡豈憚勅天命而自
闡耀蓋用黜華崇樸昭明寅畏承聿懷之福以紹前
徽而繇靈貺也故事簡於初儀而澤多於前典慶隆
於往籍而謙邁於古皇叟來游輦轂罔深窺聖人之
訓體儉德徒酒耳目之樂侈顯蒙之所誇詡以爲美
觀哉夫箏瑟聒耳淫哇之曲靡曼而不可聽不如太

音之有餘聲也。猩脣雍災華錯之饌醇釀而爽口不
如太羹之有餘味也。鋪觀河苞洛符皆肇數於五積
於十推於京域故大衍之數五十而乾坤之策萬有
一千五百二十。皇上參貳造化洪算縣衍山崇川增
自茲至於億萬萬年有隸首不能紀絳老靡得詳者
方攬寥廓跨登閎樓心湛然之府怡神至道之精優
游垂拱與天剖神契地合靈紐斯至人之上符三五
之極軌寤寐次於聖心者已若夫期應紹至云亭佇
儀琬碑鏐檢勒崇垂鴻上猶謙讓而未遑暇况在靡
侈豈娛聽觀叟第惑螢燿躋光僕竊與叟撥雲霧仰

下

天庭而覩赫曦之照灼也。辭未既老人遂巡辟席扶
杖而起曰。蒙冒晬中瘕罔閱醇聽今乃聞吾子之謹
言宏說皇德冲矣。皇福鞏矣。抑吾子猶狃舉崖略而
未及賅也。夫闡隆鑠之懿豐薙郁之規雍容揄揚延
光將來士大夫之職也。吾子其抽思騁辭取馬班淵
雲之義播諸頌言。蒙請擊壤而肄之以叶天保九如
之章。遂作頌曰。於鑠皇清受天第祿鵲果祥儲鴨江
慶毓神武開基敬勤纘服列聖相承景命有僕洪惟
我皇丕顯烈光癸巳騰策丙辰垂裳璇圖日闡仙館
春長膺期撫運壽萬無疆其一。皇帝至德矩方規圓

奉三貞觀御六乘乾坡壇苴席瑄玉蒸煙戊辛儀肅

壬辰位甄寧靜深涵御製有寧靜致遠論顯藏默寫御製有顯

捐璧沉珠軫車輪馬袞集眾思網蒐群雅黃囊大包

治陶天下其二皇帝大孝履蒸躬幼鷗鼎釀對鈞鈴

朗耀額仰君難訓宗政要劍舄喬山旒璫清廟寅披

寶籙申慕皇根舊章家法陪都化原皇上巡幸盛京

百五福敷聖典皇上每歲嘉平月朔敬遵前牒衍仙

源續修玉停本御製詩有博敦叙命敦叙殿懋廣慈

思其三緝熙聖學史昨經雷筵開二仲室味三餘演

思蚪簡御製尚書五賁采麟書御製詠清吟寄四

有吟窗命文初集德聳壁門光增蓬觀文穎

摹唐刊全唐文官儀軼漢清會典命重修大潢派烝髦命

室一體羽林灑翰識漢書武職不得以不雅頌和聲

雅頌集熙朝廣歌紉纒其四台對披章勤求郵治樞閣

分猷諭軍機大臣及御前大臺端先事諭科道當鴻

網矜疑御製明慎用刑駕班肅次諭御門日報最清

廉諭吏治以培元撫字諭州縣當河籌提竹田軫汙

榮各直省偶逢水旱偏災培養元氣御製木綿圖黛

報加推伏讀御製詩有三推郵清鷺堠牧簡龍媒播

醇偕樂皇上駐蹕天津行宮熙洽春臺其五威派冕

耀籌筆從容湘江格羽平定青海銷鋒平定狐篝西

蕩陝楚蜀三省教匪仰鯨穴東封閩浙舟師奉遵成

繼并盜船全數擊沈帆怙估舶埃靜征節偃伯修文

張武侯訓武的暈連參旌和飭伍南苑春由上蘭秋

圖克詰毋忘伏讀御製詩序有國家以神武開基肆

勤法祖其六益地圖開敷天化仰農耐敏關農耐國

咽嚨納壤野着請隸版圖書克西陲衛藏進貝多南

掌駝紐頌璜册封琉球越南龍函負蕩暹羅高麗諸旁綏蒙

古遠撫白麗輪沙獻佛皇上駐蹕熱河諸盟查月求

師琉球賚優粉荔餅渥珍飴遮那膜拜祝讚皇釐其



椿齡預慶蕊楊翹英載宣綸綺普壑垓紘祠官冊捧

枝戚筐傾泥封紫誥秩晉華纓月試先寬雲程迅陟

野滲釀膏門旌通德木鳳騰霄節鳩仰極一十六條

中禱礎即其八理紀祥迎茲滋瑞協園夏頌葵小春

舒英龍德神符虹光秘牒先申謙撝由庚化決頌編

霞蔚吉祚雲蒸經緡藏佛觥進壽朋維天申佑維聖

凝承億齡綽縮日升月恒其九

攸銘兩次奏護川東兵備道印務二十四年十二月
丁憂回籍本年赴部候補涓埃未効兢惕方深茲復
蒙皇上天恩補授今職聞命之下感悚難名伏念天
津爲繁要之區知府有表率之責臣自維禱昧深懼
弗克勝任惟有顛求恩訓敬謹服膺於地方一切應
辦事件實心實力矢慎矢勤以冀仰報高厚隆施於
萬一所有微臣感激下忱謹繕摺恭謝天恩伏乞皇
上聖鑒謹奏

補湖北糧道謝恩摺子 道光七年

本年正月吏部以臣擬選湖北糧道二月初二日帶
領引見奉旨依擬用欽此竊臣浙東下士才識庸愚
由嘉慶十三年戊辰科二甲進士改庶吉士十四年
散館授職編修十五年充庚午科順天鄉試同考官
十九年充會試同考官二十一年京察一等記名以
道府用是年補授四川重慶府知府二十四年丁憂
回籍道光三年服闋赴部奉旨補授直隸天津府知
府四年奉旨補授直隸大順廣道六年七月經直隸
總督那彥成奏請撤任回省另補奉旨著來京交吏

部帶領引見八月赴部引見蒙恩仍以道員用撫躬
循省兢惕方深茲復仰荷溫綸准授今職沐恩施之
逾格益感悚之難名伏念湖北糧道管理通省漕糧
督押重運在在均關緊要臣重膺斯任懼弗克勝惟
有籲求聖訓敬謹遵循於任內應辦事宜實心實力
倍矢慎勤以冀稍酬高厚鴻恩於萬一所有微臣感
激下忱謹繕摺恭謝天恩伏乞皇上聖鑒謹奏

代謝恩綏直隸旱災州縣正賦摺子

嘉慶十五年

欽惟我皇上心履歲省念軫民依盈寧徧暢於埏垓
膏澤滢周乎畿輔四十六圖陳寶鑑已徵瑞兆屢豐
五十八書燦仙葩不僅艱知無逸誠存為物致齋殷
望雨之懷福錫自天獻歲普如春之澤盈廷慶洽率
土歡騰况京畿近天子之光頻邀注澍且井邑寬地
丁之賦久免追呼頃緣徧境之歉收屬有飛章之入
告千里之內曰向敢後輸將三日以上為霖尚遲霑
足田功亟矣壘臣方代中露禱之誠戶賦寬諸聖主
已大布風行之德驛問馳而先紓額課省符下而兼

緩逋租催科俾待夫有秋三百困竚霑甘雨徂暑不
歌夫維夏四十邑均蔭慈雲造物之心爲心寧用一
而緩二後天下之樂而樂期耕九以餘三共欽楓陛
之求衣倍切茅簷之待澤臣等班陪槐棘誼共粉榆
企穡務於魚占誦綸音而雀躍益道之光惟下下足
百姓以安百姓之生冀州之田本中中寬一分卽受
一分之賜從此載芟載柞亦服爾耕斯倉斯箱有實
其積澤下尺生上尺京坻培效於地財雨公田及私
田稭稔益登於天庾所有臣等感激欣忭下忱謹合
詞繕摺恭謝天恩伏祈睿鑒謹奏

代謝恩減秋籩木蘭經過地方額賦摺子

嘉慶十五年

本年七月二十四日報到內閣奉上諭朕此次巡幸
木蘭先期駐蹕熱河所有沿途經過地方著加恩將
本年應征錢糧蠲免十分之三欽此欽惟我皇上光
延就望液滲潭溶法車輪馬駢以周行所其無逸均
秋斂春耕而享惠登茲太平蓋聖人無事不爲民故
天子所至必稱幸况地連三輔屬車八十一乘蹕路
塵清惟農得四生樂府二十六章畿封光近頃以惟
宮肄武法駕遵衢習祥而吉日諏庚行慶而蠲符旁
午仙雲拂馬時巡典舉於秋田牧夢占魚歲省歡騰

於夏諺望辰游於巖花澗草久寬六尺之征免丁賦
於壤叟衢童齊拜三分之賜臣等近依紫禁遙捧丹
綸翹芝苑以旌拖耄稔鄉而軒舞頻年閩澤九霄之
湛露秋凝樂歲先徵萬畝之仁風曉扇慶茨梁於餘
粟益裕稜禾缶米之供孖葵藿於迴輿彌申雲罕星
旗之戀所有臣等感激欣忭下忱謹合詞繕摺恭謝
天恩伏祈睿鑒謹奏

議

上蔣制府籌辦沿江渡舟議

竊照某所屬江面一帶地方遼濶上通省會下達夔
門客船往來絡繹不絕時有攔江搶劫之案雖經各
地方官查拏究辦而盜風總未衰息上年奉公憲勒
札飭沿江一帶分限設立水卡卡派撥兵役巡查暮布
星羅立法甚爲周密地方官果能實力奉行何患河
道不靖行旅不安但此輩出沒靡常江面袤延空曠
卡房動隔數十里多設則滋累少設又不足以潔暴
而守卡兵役雇替廢弛或俱不免委員巡查嚴禁緊

一時勢不能常行稽察是以頻年以來竊劫尚未盡絕某任事後嚴飭沿江各州縣將水卡認真辦理毋令良法美意日久墮敗并酌添空曠處所卡房令益臻精密惟是水路弭盜之法嚴其防範而使劫不敢行似不若奪所憑依而使技無可逞伏思川江盜匪多係橈夫客船停泊江中盜欲攏船非小舟不能飛渡總因小舟輕剽便捷易於駕駛飛棹上船截劫得贓之後迅即放開或入港潛藏或順流直下瞬息電逝追捕無踪某檢閱舊卷凡攔江搶劫之案無不供有小船查小船多散泊江干或橫放中流全無約

束甚至徹夜乘載非私行偷竊即誤被賊徒覓雇是小船實為盜賊行劫之具而駕小船者又多係為盜之人某管見宜飭令地方官查明沿江一帶共小船若干隻每十隻編為一號於各船旁粉刻某州縣某船主姓名編連號數由縣稽查每船只許日間放載賣貨傍晚即歸埠停泊不許私開其地方公私渡船除緊急公文并民間延醫接產要事外亦不許黑夜撐駕如有私自放行及駕去行劫或受賊徒覓雇者一船有犯九船並坐發覺首報者免罪其漁舟小艇向不歸埠者亦一體編號註入門牌務令彼此稽查

不能容隱盜當已失其所恃再查沿江一帶人戶稀
疎五里十里間有腰店盜賊行劫及得贓後多在彼
住歇店戶畏賊不首甚有串通分贓者亦宜飭地方
官將沿江僻靜處所腰店就近一體編入保甲如遇
盜賊住歇卽密投約隣擒捕兼令同甲之人互相覺
察併力查拏送官究辦照例給賞倘容隱不報察出
一并治罪使盜無可藏則匪徒自然斂跡抑某更有
請者瀘州以下較上游劫案頗多推原其故滇省運
送銅鉛之船搭幫連號船隻既多撓夫自衆銅鉛船
由金沙江放至瀘州必須另雇船隻攬載船頭既非

善類各水手又倚恃官船肆行無忌倘乘夜糾夥私
出竊劫潛回正恐船衆人多運員亦無從覺察似宜
責令換船地方雇覓妥當船戶轉雇撓夫出具連名
保狀每船水手十名中擇一名統率稽查各運員亦
須隨時抽點如有乘夜私出卽開送地方官究辦該
地方官於銅鉛船過境時飭令護送兵役夜間輪流
核緝使水手人等亦不敢乘間爲非如此設法辦理
庶盜風可期少息而商旅亦稍卽安矣

上蔣制府川東鹽務議

月初接奉鈞函伏承垂詢近日辦理緝私能否得宜
一節查川東向來私販滋生事端咎全在牟利之官
商操逼販成梟而近日之病則又在官私

上諭軫念窮民

有負零鹽不許巡

拏

商大梟仍特中嚴旨查禁本屬惠民通

商並行不悖之義乃愚民誤會聖意妄謂朝廷沛寬
大之恩場市私鹽概准販賣轉疑地方官不肯奉行
德意並素受鹽商荼毒積恨已深乘此禁網濶疎遂

廣招徒黨執持器械公然於近城場集處所什伯橫
行以洩其怨毒憤懣之氣該官商等畏其强悍力不
能抗而心又不能平惟日投稟揭裝點情形聲稱今
日某場私販若干明日某場私販若干更串囑約保
遞稟扛幫與地方官相覲甚或誘誑私巡故意搜索
食私查拏零販殺傷釀命使州縣不能假作癡聾冬
春之交蔡江胡升榮巴縣馮均健兩案皆上瀆憲轅
而近日璧山有商巡誤傷商人江北永川又有拒捕
傷差之事此現在官私交構之實在情形也夫構而
不已必爭爭而不已必亂欲為止沸薪

丁卽清

竈而病民病國二策俱窒碍不可行

若任其肆行無忌恐別尚不止於毀店酸差某再四
思維

標之

大人之品望兼崇而又恩威素

著者力爲主持不足以靖人心而全民命謹就管見
所及酌擬兩條另具清摺恭呈憲鑒是否可行伏惟
裁奪

一私販聚衆持械宜嚴禁也竊川東風氣剽悍佩帶

禁刀屢奉嚴禁該私販等竟公然什伯成群執持刀

矛鎗棒在場鎮肆行無忌地方官禁之不能捕之又

恐抗拒遂至姑息蔓延而不可止查川東相沿惡習

民間偶置鎗矛約保等尚或查詢至鹽販則不復過問以為防身當然故私販必皆有器械然昔猶暗藏於身今則執持背負白晝橫行此而不嚴加禁止不獨容身拒捕且恐於鄉場市集別滋事端應請頒發告示申明諭旨以例所不禁者老弱零鹽若聚眾持械卽係大夥私梟正上諭所嚴拏查辦者果有此等梟徒許約保等稟明地方官會同營員拏究拒捕者格殺勿論其挑負零星販賣不在此例如此明加曉諭俾愚民知所警懼某仍密屬地方官妥為辦理不可輕舉妄動如實有不能解散之勢亦卽密稟鎮道

酌量擒捕以儆兇頑庶寬猛互施地方可冀寧謐

一鹽商私巡妄拏宜嚴禁也竊鹽商緝私雇募巡丁大率皆兇悍無賴之徒月給工食數百文豈能飽其慾壑不過借巡緝之名生事邀賞遇大夥私梟既畏避不敢查緝至貧民買食私鹽或零星挑負則必多方訛詐其無錢及素有警隙者弱則奪其鹽餉強則戕其生命致令私販與官商積怨成仇自十七年奉文裁汰後始令報官註冊每縣巡丁或二三十名三四十名不等其實此輩仍役於商而不役於官州縣既無從查察遂復呼群引類擾害閭閻戕殺報官又

僅照私梟拒捕完結上年雖奉旨查禁不許私巡濫
拏而官商縱巡如故私販等遂不得不結黨持械爲
抗拒之計查例載鹽商雇募巡役如遇大夥私梟卽
飛報營汛協拏是商巡雖例所不禁究無擅拏之責
應請憲示嚴禁鹽商私巡不許擅自截拏果有大夥
私梟查實後許赴地方官稟報會營緝捕倘遇零星
挑負窮民及買食零鹽敢有擅拏詭詐殺傷釀命者
除將該巡丁照例抵罪外併治該鹽商以主使應得
之罪商不捕私則小販得以自安而結黨持械之風
可不禁自止矣

一鹽價增減隨時宜酌定也查川鹽向無定價因官
商領引納課並不親自配運將引張轉賣於無名富
商赴廠配鹽每張約得銀二十餘兩以供稅課而無
名運商配運至應銷口岸又不肯零星發賣將整包
官鹽轉售於小商鄉販以路之遠近爲價之依昂遂
至任意加增參差不等官鹽每觔價值竟較私鹽有
多至七八文及十餘文者其體質又不能如私鹽之
純淨故小民樂食私鹽而私販亦因此漁利日積月
多引運兩商輾轉私售鹽價遂昂貴不能復減查巴
鹽每觔部價定銀二分廠價每觔一分五厘花鹽部

價每觔銀一分四厘廠價一分二厘川鹽不遵例價
閱時已久洎嘉慶十六年鹽匪滋事後蒙前制憲委
員定價射蓬巴鹽每觔銀二分五厘或三厘至七厘
犍巴鹽每觔二分三厘或二厘至六厘射花鹽每觔
二分一厘犍花鹽每觔一分九厘高頭鹽每觔二分
六七厘富渣鹽每觔二分或一分九厘參酌得中商
民遂相安無事惟是彼時銀錢兩平每銀一兩易錢
不及一千故後來重複核減二分六七厘者定價錢
二十三四文二分二厘及二分者定價十五六文爲
百姓買食之價近年銀價踴貴以巴鹽二分五厘計

之已合錢三十五文之多在各商現賣官鹽每觔三
十五六文似與原價無甚增益而較之私鹽每觔止
賣二十三四文至二十七八文者實已相懸官私兩
鹽皆出同井竈何貴賤不符如是卽云官鹽完課而
每觔亦不過一二文且夾帶影射之私鹽亦未必無
暗中弭補迺官商等動以定價爲詞不肯議減殊不
思鹽價之低昂由於廠價之高下而鹽廠之工貲與
商人之運費半皆用錢卽物力增贏數年來豈遂遽
相倍蓰而錢價幾加至三分之一繼更此何底止某
現已飭令官商減價敵私極貴之鹽每觔只許賣三

十文應請札飭鹽道暨各巡道按照銀錢時值先減
廠價次平商價嚴飭各運商一體議減不得任意私
加俟將來銀錢兩平仍遵照前定價值則小民無食
貴之累自不肯買食私鹽官引亦不至滯銷矣

上蔣制軍籌辦洛河議

竊職道奉委查勘洛河實在情形應否濬築並下游
大陸澤至寧晉泊能否疏通詳情核辦等因當即於
本月初七日馳往查辦業經詳明憲鑒在案茲督同
廣平府蕭守順德府鍾守暨委員廣平府同知馬丞
元城縣主簿馮文煥等自永年縣辛村決口周歷雞
澤南和任縣循大陸澤北澧河直至隆平縣之寧晉
泊沿途查勘於十八日回署伏查洛河發源山西遼
州經河南武安縣自永年縣陽城村入境與牛尾河
分流至任縣大陸澤之北澧河滙寧晉泊歸天津入

海水性挾沙帶泥所過淤肥向稱富水間有堤埝歷
係民修迨乾隆二十四年決入牛尾河後正河遂湮
牛尾河不能容納每遇夏秋水漲漫溢四出直逼廣
郡之護城堤乾隆六十年於卒村決口築壩逼歸故
道嘉慶二十五年暨道光二年兩次修築迄無成功
而河身年久淤高歷經地方官督飭沿河村庄出夫
挑濬無如經流四邑工段綿長上下游既未能一氣
呵成而借資民力苟且補苴又並未大加疏濬兼以
土性浮鬆流沙壅積河身則隨濬隨淤壩工亦旋築
旋圯地方官目睹田畝被淹郡城險迫亦不過添築

子堰以護城池擇要挑疏以寬漫溢為一時權宜救
急之計總因此河向係民工未便官為經理且沙性
不堅壩工耽險獨水挾沙河身亦易淤墊挑之後
必須籌辦歲修民力既多不逮而國家經費有常保
固有限更未敢輕議請帑此數十年來沿河改併士
民等歷次上控不能復歸故道之實在情形也現蒙
憲臺軫念民依已將大概情形附奏復飭令職道親
往查辦連日督同各府縣暨委員等逐細履勘悉心
酌議沿河不復不獨淹沒田廬且與廣平郡城大有
關礙自係必應籌辦之工但既議興修必須大加濬

築擬於辛村南堅築寬長欄河大壩二百數十丈劍
槽下埽深至五六尺更須於遠地取土築壓不雜浮
并將對面河灘嘴切挑取宜引水歸槽其辛村一帶
淤成平陸及下游雞澤南任等處淤塞河身一律挑
挖深通至舊橋柱底盤石以符故迹挑河之土卽填
築兩旁子埽橋道過窄者酌加改拓以順河流任縣
呂家庄至環水村開引河一道如喇叭式令暢流入
北澧河並將新橋以上淤淺處所略加挑挖新橋下
入隆平縣境之蓮子灣村西河中淤沙一段亦盡行
挑去水勢通流可直歸寧晉泊如此濬築兼施費繁

工鉅約須十餘萬金斷非民力所能勝任自應據實
詳請憲臺核奏借帑興修於各縣地糧內分年攤征
歸欵內雞澤一縣工多糧少更須寬予年限以紓民
力將來河身挑濬後流沙淤阻及壩土偶有汕刷衝
坏歲修章程并牛尾河下梢出口淺狹之處應行挑
挖俱責成該地方官督飭附近居民自行修理毋庸
再議籌備此項工程緊要自應於明歲春融時動工
四月底卽報竣驗收以防汎水漲發但現查河身淤
土就舊橋柱底盤石較量有須挑淤至一丈數尺者
有僅須挑淤數尺者恐橋底或尚未足憑必須委員

用水旱兩平逐段測量地勢高窪以定開挖之淺深
 方免倒漾其丈量估冊尚需時日且須俟奏定領帑
 後方能募夫購料能否於明春趕辦或俟明年秋江
 收後興工次春接築容再酌核續陳

三北公司審興快輪准本月二十日晚八點鐘開往福州 本輪賬房林傳芳謹啓

招商局廣大快輪准本月二十一日即禮拜一晚開往香港廣東 本輪賬房陳南屏謹啓

招商局新銘快輪准本月二十二日即禮拜一晚開往煙台天津 本輪賬房關灼棠謹啓

本公司之唱機在未曾減價以前已蒙 各界許以物美價廉之
 盛譽此非本機詞能誇讚現自成實以來舊者莫不云宜勿催更者矣

信取用者著

東方
 金基植墾

甲券
 章新別特

有末一
 字末二
 字前四
 字章程
 之優可
 稱獨一

准
 時二午下
 局本海上在

開籤

下期
 乙券
 初三
 開籤

湖北
 廠工民貧

基金債券

期一十第

乙券
 月二廿七開籤

第八期
 甲券三
 月初八
 日開籤

福字

甲券頭獎十一個

一等有末一字
 二等有末二字
 三等有末三字
 四等有末四字
 五等有末五字

二月廿四日

開籤

濟甯 章甲種 債券頭等獎 有二三等末一字 月廿八開籤 三月初九 上海開籤

廣善 蒙古拓殖 乙種債券 二月二十發行 三月十三開籤 甲種三月三十日開籤

協濟 蒙乙 壘券 一等獎一萬元 額少獎多 准三月十一日開籤 上海

上海 六十 善利全 連第三期 湖北正券 頭獎 本月十八日開出湖北正券頭獎 第二千四百七十八號由本號門 莊全張售出得主台銜容查明再 為詳告現各券將接踵開獎諸君 欲奪錦標從速購取勿失良機外 埠函購原班回件批發價格特別 從廉 十六舖總號老北門分號 大碼頭新號鎮江分號全啟

中國紅十字會總辦事處為醫院殘廢兵民乞捐啟
 啟者江浙戰爭本會組織 十四處善療所救治傷兵病 民逾數千人迨戰事告終除 除醫治遺出院回籍外尚有七百餘人療養兩月迄今又陸續病愈回籍尚有殘廢者及重傷一時難痊者二百餘人在本會各醫院留養度寒冬而待新歲雖無性命之憂奈有傷殘之痛伏乞 諸大善士哀 其痛苦矜此疲瘵義舉仁舉惠顧無已則崇隆功德莫與之京本會謹代殘廢兵民九頓首以誌倘蒙 憐助請送英租界一馬路望平街東首本會總辦事處 中國紅十字會總辦事處謹啟

普善山莊敬顧文朝大善士
 壽筵移 敬啟者頤文朝君六旬壽辰蒙 諸親友寵錫 隆儀原欲備具挑禮以應 親友因念山莊辦理各項善舉 實事求是而經費異常支絀特將筵資詳五 百元移充善舉為 諸親友造福願之下屬勝感除奉收條外特登 報鳴謝以揚 仁風並祝多福 總董王一亭 辦事主任王慶生謹啟

上海金業交易所 股份有限公司 掉換新股票通告
 本公司減股手續業已 換股證至本公司 務處先行領取臨時收條兩星期後憑臨時收條 正式股票特此通告
 本公司減股手續業已 換股證至本公司 務處先行領取臨時收條兩星期後憑臨時收條 正式股票特此通告
 本公司減股手續業已 換股證至本公司 務處先行領取臨時收條兩星期後憑臨時收條 正式股票特此通告

調第二旅民慶剛率同薛履新趙世傑張忠王竹山各州
與敵激戰相持頗烈其後北軍尙加調張姓族械軍隊
約千餘人增援傳說此項軍隊爲張宗岳部但未證實
○贛軍高部以王雲告警迫得暫行退却一部而飛電省城
加派留閩之豫軍救援是役贛軍之第二度防禦極危
第三度防線村均被方部北軍衝破南雄形勢極危
六日南雄兩軍已有電到省截止贛軍北上而連日韶關
南下之貨軍均無貨物運出外
○粵軍第一師趙成標部之第一旅寧萬福會同湘
軍魯燕平部豫軍第二混成旅任應元部分頭扼守英
德則以滇軍第二旅查軒全部駐防小北江連州一帶
文書部駐守連日以來南雄方面尙未返攻聯軍已解連
邊方補充完備方開始進行故最近數天省城已解連
子彈五十萬發分裝數十箱由粵漢路運赴高敵各軍應
州矣

東江方面於本月三日晚十二時中略蘇村一地兩軍
已發生小接觸來襲之陳軍應湘軍朱鶴唐部擊退
敵數十餘人生擒數人繳槍二十餘桿此種小隊襲擊
向爲陳軍所擅用因陳軍熟悉地勢分兵士數十隊
沒無常擊東擊西以致路途不熟之敵軍窮於應付
此兵法爲陳軍向來對待客軍之秘訣三日晚之小戰亦
聊以試探敵人之虛實而已大戰之期雙方尙須有待也

兩項要義(甲)爲形之利而於實業界有莫大影響者
乙)爲營業性質爲普通商人財才智識所不及而由官
員自辦除一甲項外決第一農事試驗場專任
改良推陰一帶委作棉作改良良徐海一帶委作棉作
推廣森林應由官督商辦每年三萬五千元第一造林
場由省款補助每年三萬元第二桑棉場由省款補助
州設分場於淮徐海以提倡種桑改良棉作試驗場
北蠶桑事業應由省款每年補助四萬元
無錫一帶蠶桑業極盛之區擔任改良蠶桑試驗場
以改良蠶海蘇常道通棉種及栽培法爲主旨棉作試驗
場由省款補助每年五萬元商品陳列所現時建築房
屋雖不甚佳但已工竣自應先行定期本年十月一日
浙江蘇全省物品展覽會俟開會後委任商科學生中熟
悉商情者布置陳列所原由國庫補助現奉五萬元
此外則有海州漁業陳列所原由國庫補助五萬元
自二月起停止經費因其取魚獲利頗厚足以自
給將來長林蠶業各機關辦理有效足以自給時一
停止省款補助乙項議決大概如此開北水電廠俟
來商人留得股本儘速官本南京電燈廠現時每月收入
金以流一省有實業資本本南京電燈廠現時每月收入
雖有三萬餘元所宜盈餘須分年抽還舊欠三十萬元
以清欠款後則盈餘可以充收政費江寧鐵路局現時
每日營業收入二萬餘元每年收入一百八十餘萬元

寶香山館集卷十四

書

答友人書

夏間兩附函想已達十月廿六日接手教諭侍奉萬
福榮閣休暢幸甚幸甚承詢入都之計功名不可期
某欲閣下破釜沉舟搜將盡之囊隻身五千里外遠
違色養作孤注一擲以冀倖不可必得之名某何敢
決且閣下素不耐清苦近聞又買花鹿城滿園春色
左抱右擁斯樂極長安珠桂之鄉殘盃冷炙雪虐
風饕如是者非三五年不能得志且得與不得尙未



羸

可知閣下能咬此菜根滋味耶某雖能決之恐閣下亦未必能從之也雖然閣下既諄諄下商爲閣下計又捨此別無長策某敢不直陳其愚夫腹背之毛無益於冲霄然不能因六駟之摧而併棄之也涓滴之水無救於燎原然不能因九仞之竭而併枯之也破產求官誠如尊大人云云然使閣下戀此雞肋求楚人之亡弓索孟家之破甑方且奔走形勢凌雜米鹽探金穴於泥沙失珠囊於象罔以彼易此勝算誰多某以爲閣下果欲求官可無破產眉伯奔驅數十年割鮮蓄肥履絲曳縞其自奉豐於某數倍卒紆青紫

坐堂皇持祿養親畢仲由氏負米之願何嘗不張空拳冒白刃耶閣下應酬之才僅與眉伯相伯仲士貴能貧安在茫茫人海中竟無立錫之地哉且閣下家計雖中落支撐門戶尚可無內顧憂果翻然有鴻鵠之舉北道主人當代覓一餬口處無求羸餘但足了一切勾當望或可成否則開蔣生之徑以俟羊求掃陳蕃之榻以待徐孺雖無尊鱸尚有瓜牛公孫一盃之飯蕭齊四之餅庾郎二十七種之菜官厨珍味請閣下剖而嘗之其能拋河陽滿縣之花與孤山冷蕊共對清寒否也定例教習於會闈後扁試療饑之

策除進士卽用外惟此與謄錄尚爲終南捷徑閣下
種種筆墨出人頭地自可一戰而霸今春失此機會
殊爲惋惜明年歲科兩試後舍姪輩或有欲北來者
便中商諸家 倘能挈阿咸偕行旣藉提攜且可免
彼此岑寂惟祈剷除積習勉守素風長途斧資二百
金恢恢游刃想咄嗟可辦於元氣亦無大傷耳理勢
如斯伏惟裁示至於將來進取福命攸關所謂成敗
利鈍非臣之明所能逆料也率泐佈復順請近佳不
一

致銅梁令書

去冬清塵得侍胸臆獲申芻蕘之譚多蒙采錄過時
追念感服至深比惟新猷煥發期月化行遐聽風聲
何如慰藉茲某更有陳者自古治民之術曰好生不
曰好殺辨命司徒敷教在寬文保赤子明德慎罰爲
民父母名義有歸峻法嚴刑實乖歲氣吾儒讀書作
牧寧不知害馬之當去雖然昔爾朱榮使齊神武剪
惡馬不加羈絆竟不啼齧所謂御惡人如此馬者也
而武媚娘則願假一繩一鞭一劍而日繫之不得鞭
之鞭之不服斬之卒其悍厲之氣卒以流毒家邦若

夫不繫不鞭而遽使就死地其悖不更出武氏下乎
夫國家立法如此其詳也其人有得死之罪斷以常
刑可也苟逞一己之蠱氣而私用之是禽獸斯民也
然而君子無故不殺牛羊矣仁心之推暨何於人而
忽諸且夫人有罪鞭箠以痛楚之桎梏以拘繫之編
之徒官閉之園牆以收斂其心志又必審轉關白紆
回日月俾不得遽脫於桁楊凡以發天良開改惡之
路也若隱枯輔繫之正弧刺也非以仇民也古者用
刑以佐仁不任刑而害仁郭祖深曰法者民之父母
此之謂也國家每歲秋決不赦者與衆棄之然且呼

置堂下食以酒肉嗚呼此意不重可念與蜀中山川
險急民氣強直一朝之忿每至忘身毫末相爭傳及
加腹其生性類然為之吏者正宜教以人倫導之禮
讓使孝弟廉恥愜洽人心非特澄本清源之道抑對
證發藥之方也某履任三載竊持此意與斯民相見
往往有感泣涕零悔罪於對簿之際者蜀非不可與
言也夫乃深怪向之官斯土者動云地近荒裔治必
嚴苛量決訟獄五毒參至雖肉飛骨折而曾不恤心
甚且有攘隣一雞即絕命於笞箠之下吁嘻視事之
堂非戰場何乃有血之流杵乎蜀人好亂不有由哉

法令滋彰盜賊多有不稽其故治益逐末可慨也已
抑先王制律悉本人情漢高三章以定天下後王增
益歷今不下千百條可謂窮情盡變不枉不漏寧猶
不足以防天下之奸惡民無知己多有冒而觸之矣
至於律書所不載卽非人情之中雖人復起不敢妄
言乃或不察獨好於條例之外加立科指以禁錮斯
民不知有司多設一告令之條卽胥吏多操一誣陷
之柄不善未必去而善者先被其殃夫經世無術且
更讀書耳而必師心自用強作解人苦百姓奚爲耶
吾輩啜聖賢之糟粕倖成進士出爲民牧而兄弟子

姪猶然百姓也其受治於人等也豈願有此長官乎
則此鄉百姓何莫非吾兄弟子姪而烏乎苛求人情
天下可通今僅有勞人之權勞人之不已且殺之設
更有殺人之權又將何如我不敢知矣民坐大逆則
梟示鼠竊公膺責懲枷示先時蜀中有概從朴殺者
且取其筋懸以示人嗚呼此本何律而僭酷若是以
是求治吾見其速亂也獲保首領倖而免耳士爲四
民之首教化所先而閭閻觀瞻之所係也其賢者優
禮之不肖者教之使之自愛不苟同於流俗斯流俗
咸知士之可貴而企慕之心生則從事於詩書者衆

矣文翁化蜀率由是道其時沐浴聖人之澤猶僅也而史冊所傳成效可稽何今之治蜀者率以田山細故撻辱衣冠徂其意不過自度勢力足以蹂躪之遂故借以立威且隱託於古之不畏強禦者之所爲而顯自附於近今能吏之列以諂媚其上官其果勢燭薰灼達官貴任之家則又奔走趨承之不暇縱有作慝不唯不敢過問且從而彌縫之長助之此禮義廉恥先喪於在官欲民之喜不亦難乎蜀人賤士而貴吏孰實使之然吾不悲士之不幸而生於蜀而獨悲夫世之官蜀者亦士也何以使蜀人賤士而貴吏絕

不一思其流極也日之不幸願獨在士耶國家文武分司不相統轄兵丁雜處四民之中每有倚其渠帥妨格禁令則欲繩兵丁務和文武今不出此而亦臨之以勢力失惑無常致其渠帥亦不能堪由是文武異趣畛域乍分侵凌迭起天狼威赫隱然敵國而豨哭之勇有乘於蕭牆者矣可不儆懼哉方今聖天子靈囊大包仁育萬物垂衣襃幅常以一夫之不被澤引爲隱憂州縣親民之官治亂所基苟不務德而濫刑以逞吾見上之則負朝廷下之則灾及身鬼神之譴且因國法人心而掩至語曰爲將三世必敗言

其殺人多矣為民牧者奈何勿知某以儒生出典大
郡自維不達時務恐泥古戾今淆亂名實竊謂前事
者後事之師故於政事之暇多所咨訪願日之所食
類多武健文惡刻轢為治此抱薪救火禍亂之本也
揆厥時勢詎為適宜閣下儒者且不以某為不肖故
遂捩拾所聞參以論議而發憤一吐其胸中之霓聞
之君子不鏡於水而鏡於人某將以人鏡也意涉感
激語多乖違伸紙疾書都無倫次惟閣下恕而察之
他時相見再徵得失尚此敬候升祺伏希藹照不盡

上蔣礪堂制府書

竊某涖任未及三秋仰蒙慈眷兩護川東道篆揣分
循涯奚如榮感惟是川東哀延幾二千里界連黔楚
陝三省土瘠民貧為咽匪鹽梟出沒之所不比重郡
雖衝繁龐雜而民狎既易於化導地近亦便於稽查
兼某京職子載拘文章義於吏事實未嘗學問抵渝
以來外聞頗以拘迂見誚自福星移映西川曲荷優
容更復頻加獎借昨敬讀奏稿內明幹實心四字感
愧悚惶自顧何人邀此題品仰惟閣下提攜策勵之
心施榮寵以示褒實欲假事權以課績責備愈重報

稱逾難自維才短識疎力小任大捧檄之下倍切水
兢憶丙子出都時承莫實齋先生以心學見勗謂能
常提此心不使放倒則凡事都辦得去做得成竊意
此卽宋儒所謂常惺惺法到任後嘗密書二語以自
警曰對百姓要無慙色辦庶事祇有誠心退食時默
加體驗覺此心偶然放倒諸事便無頭緒韋弦之箴
負慙師友去冬朱勳相太守以汪龍莊先生學治臆
說佐治樂言暨呂子卽錄諸書惠寄受而讀之其議
論之高識見之卓古今人誠不相及而汪書較切近
平實徹上徹下從親身閱歷中來洵可垂爲治譜頃

奉到鈞札以臆說與作吏要言並行頒發使地方官
人奉一編朝夕省覽於吏治實大有裨益至并語中
提出呂氏清慎勤三字訓而妥之以誠尤爲窮源探
本之論某擬將此二種書每刷印百本歸遺僚友以
推廣閣下爲國家造就人才嘉惠羣黎之至意不敢
獨私枕秘兼可使桑梓蒙庥也

縛而馳驟之懼其或遷於異物或格於正辭而崇奉之志不篤也遂乃詆謫神聖蔑棄綱常如聖理參證聖教淺說遵主聖範聖教禮規等書荒謬狂誕之言幾不可嚮通又爲之罕譬曲喻彌縫補苴如萬物真原畸人十篇代疑論聖經直解聖經廣益等篇使高明者驚其言若河漢推魯者重其教若邱山卽現在批出諸書竟至三十餘種而大要歸於公審判一端以怵誘愚氓簧鼓邪說尤可恨者在若多福多一語堅其至死不變之心寧甘奸文網犯刑章糜爛頂踵而不敢於背天主其居心殊不可究詰且四川險界

粵區地勢阻深民氣浮動全川不及知就重屬而論奉教者約及十之二三衣袂日戒之謀曲突徙薪之策某誠愚昧不知所裁伏念天主教左道惑衆言辨行堅縱教狗苟蠅營斧鉞倖逃於兩觀可使豺投虎阱放流不屏於四夷惟是歷年查辦以來改悔諸人概從寬典伊等見聞既熟趨避遂工本年到案時無一人抗不具悔弁無一人不自稱已悔者而起出念珠經卷等如許之多可見陽奉陰違不過藉一紙悔詞爲將來破案時退步悔還重悔既無難樣畫葫蘆誅不勝誅更未便抄連瓜蔓有牧民之責者寧不爲

廢然束手默爾寒心然某於此竊有請焉

[Faint bleed-through text from the reverse side of the page, including a circled character and other illegible characters.]

東歸謝蔣制府書

日昨趨詣會垣叩請鈞安兼陳謝悃荷蒙謙光下濟
略分言情侍馬帳之清譚錫郇厨之珍膳不孝諸温
公屬吏竊附為歐陽門人榮幸之餘彌增感泐叩辭
後即買小舟由戎蘆一帶東下月杪回渝恰值江流
初漲險灘就平於月之初九日偕趙先生作伴登舟
計須六月中甫能抵里彼時自當恭肅稟函仰紓慈
厘惟是某蒞渝三載迂踈拙直不合時宜辱承逾格
栽培辨之於羣疑眾詢之交拔之於揣分循涯之外
感恩戴德圖報無由恭惟福星移映以來整飭紀綱

助流政化不動聲色而措於泰山之安大布公誠而
令如流水之下固已民懷吏畏俗美風清顧念此邦
值蠱壞之餘當事歎乎嘉之象尚煩深慮為策安
伏祈餐衛珍調鈞衡密運防嚴肘腋師不漏於多魚
寄重腹心市無嫌於成虎官箴已飭猶虞臥螫之思
興民氣雖醇竊懼奸梟之難化貪詐豈無可使幸毋
輕假以事權廉明在所必甄尤貴慎重夫民命道府
不避嫌而肯提案下情達則上控必稀紳衿能優禮
而使懷刑士氣揚則羞威自斂東北之憂惟匪黨治
嚴拔薤尤宜綏以循良西南之患在邊防衅弭漚管

更望鎮以孟靜兀此私衷觀縷蚤經慮慮周詳竊銜
知遇之恩重瀆崇嚴之聽仰冀掃除浮議堅守成規
俾蘖芽不致潛滋廢牖戶可期永固浮屠三宥之戀
難答鴻施芻蕘一得之愚祇同燕說前因叩辭倉卒
未罄所懷茲值臨歧倍深眷戀

復福谷泉太守書

別來半月企望正駿頃奉華函備叨綺注駿拳無任
銘戢就諗閣下德星載道露冕宣勤引睇芝暉尤深
忭頌新衛河工程第昨經查勘情形無大懸殊惟南
樂之鉢子嘴東岨迎溜頂冲原議對岨抽溝分殺水
勢恐不足以資抵禦欲於東岨填溝築埝處所改築
草壩數十丈詢之原佑諸君均以爲應辦已飭令據
實勘估矣至此項工段第擬專令地方官經手原佑
之單縣丞馮主簿幫辦一切錢糧支放欲煩尊處督
同廣平馬丞經理以專責成詢謀僉同本可卽行定

局本日接到制府牌文於奏明籌墊摺內帶叙飭司
遠派熟諳工員會同地方官領項開工並知會河撫
將豫工同時興舉云云恐省中另有委員幫辦俟到
時再議刻下似未便遽請興修也數日前得有雪澤
土膏滋潤地方亦均靜謐堪慰遠懷

覆孫 司馬議濬司馬溝渠書

昨接來函就論抵東後先周歷司馬渠會勘詳籌懋
著賢勞欽佩無似承示會籌改道二條自以順車路
東流為較便為此議者不過徇伊堵塞韓家崗之說
為東省收場地步其實朝三暮四總以史家潭為去
路而史家潭上接鄭家庄戶下入毛相河節節淤高
必須一律挑通庶將來岔河之水不致壅遏漫流第
原亦議及此無如東省意見不同礙難辦理不得
已為是策此次會勘全仗大才與同事諸公熟籌妥
議使東省委員破除成見和衷協辦將岔河下游逐

段疏通最為完善否則姑議改道於對紫鄭家庄戶
築堤一道以資捍禦下游且暫緩開挑為目前息爭
起見如或另有良策使直東兩省均踴躍樂從則更
拜仁人之賜矣

寶香山館集卷十五

書

上琦 中丞議復黃龍潭疊道書

前於小除日自會垣旋署恭展月初賜札仰承瀆覆
諭溫詳莊誦之餘益深銘戢敬諗履端劬豫迎氣延
釐引歧龍門莫名忭頌開州黃龍潭疊道某於前月
二十五日親往履勘該處在古黃河斷堤之間形勢
低窪為開州瀝水所注由清豐順趨觀朝每逢大水
之年不無漫溢現在疊道故址雖已平車路修復亦
自無難惟地勢西南高而東北下虎山口外並無河

路迤北爲古橫堤所阻不能漫入魏河恐瀝水滯停
開濮均不免貽害某與大名福守等細加相度擬自
黃龍潭起至濮州玉帶河止開濬引河一道使逼水
南出虎口後東行南下以順地勢而免後災庶疊道
修復可以兩無妨碍惟事關兩省水利民田另闢生
地必須籌畫經費採訪輿情某才識粗疎未敢以一
己愚昧之私擅行定議業已據實稟請節相查核移
咨伏祈賜委賢員會同某詳細查勘熟籌妥議稟候
鈞裁俾兩省附近居民均沾樂利而慶安全下懷無
任虔禱

上某公書

某於端節前肅叩鈞禧并將地方大槩情狀附陳嗣
從舒鎮軍處接奉賜書知前函已塵台覽荷蒙閣下
垂念寒微曲加訓迪回環捧誦感戀交深某伏讀五
月初三暨二十日兩次諭旨仰見聖明洞若觀火僚
屬軍民無不共深頂戴惟是從前辨災情事與某相
近狀不能不瀝陳大君子之前者大名接壤豫東民
氣浮動兼值秋歉夏之際閭閻困苦耳不忍聞竇
較嘉慶十八年爲尤甚數月來風霾晝晦天象告警
倍切戒心入夏後麥秋失收謠言四起均糧之案疊

出始尤一二饑民效尤估借繼輒有奸徒糾結持械
肆槍幾釀大故不得不明示嚴威隨會同薛鎮帶重
兵彈壓查拿一面飭大名福宇出示撫慰此風始息
而某於四月初查察外間情景夏災已成緩征斷不
足濟事卽札商方伯請仿照嘉慶十八年成案於五
月底分別賞借賞給一月口糧并截留臨清南漕以
資備豫方伯以國家經費有常盤壩南漕未可輕議
且借給需費太多擬姑令城廂煮粥可省糜費大府
力主其議某竊以爲救災於未成易辦災於已成難
糜無算之貲於事後者重籌稍寬之費於事前者輕

而辦理機宜尤須隨地隨時不能拘於成格在煮粥
固爲救荒實政但行之於現在之大名則誠恐有未
便盛夏暑熱粥味變餒老弱奔馳董蒸疾疫且鄰境
多有災荒流民雜聚尤難保不別滋事端某前在津
門旣深悉各屬煮賑之弊又訪知十九年大名粥廠
擁擠傷殘民間俱望領米而不願食粥故力陳煮賑
之不便致與憲意相齟齬大受譴訶一守二令同時
見撤且擬將某改調通永重蒙聖恩寬大不深責大
名福守之錯謬大府然後頗有悔心某亦暫免左降
而李升齋觀察接奉行知失聲變色似大有拂意於

中者渠受命而來諸存迎合與方伯一鼻孔出氣喧
賓奪主咄咄逼人此皆事勢之常無足深怪獨北倉
貯米之不堪煮賑升齋自天津來知之深悉而初奏
撥運賑餘米一萬三千石繼請撥存貯豫米五萬石
其論皆自升齋發之賴鄭夢白觀察書力言靈變不
可用方伯已議停撥而升齋猶嚴催各州縣趕運先
於道庫內墊發運費嗣奉省札始止爲北倉銷除壞
米竟置大名百萬饑民於不顧其意何居至覆查福
守稟稿不會同署大名張牧亦并不飭知獨舉其不
分別東長二縣無須調濟并徑請截漕爲福守之錯

誤此二條道府所稟略同已明有打鴨驚鴛鴦之意
洎某赴成安查勘水災渠會稟籌議煮賑章程不俟
某判行輒先與張牧酌定繕發內有道府分路稽查
一條令某赴元廣張牧赴大南前任福守赴清開登
壇指麾直高臥百尺樓頭不識置廣平蕭守於何地
且因大名何令之力請散米清豐曾令之開廠遲緩
俱欲立挂彈章該二令尚是好官並非捏冒侵漁去
前此津郡之廖某許某遠甚乃欲別鬻權以止諫鞭
甯越以立威何一變至此耶某才識拘迂待人過於
寬辦事失之鈍謬荷聖恩逾格起除惟此爲民爲國

之私衷尚堪仰酬知己既不能獲上信友即倖邀寬宥亦終難辭爵久居惟有俟秋間時勢稍定潔身引退收拙印園頌聖主賢臣之功業於勿哀猶庶幾無慙明哲第國恩未報孤負栽培為可愧耳

與徐晉衣書

芸清夜几培風分藜火之光苔綠春岑譜月訂金蘭之契奈參商不無異地致稽呂未免笑人榻來越水甌江真千里寸心之徒結除却槐花桂子總三秋一面之為難欲報西山敬憑子墨惟我晉衣仁弟足下品粹於金器成如玉望三益而間徑期十年以讀書笑他丹轂閉門草揚子之元守我黃庭虛室瞻莊生之白且也得山水之佳境為風月作主人探赤文綠字之奇磨碑禹穴訪修竹茂林之勝載酒蘭亭信地行仙亦天隨子某材慙樗散跡類蓬飄功名則塞馬

如斯技藝則黔驢止此亦嘗拜經庚子之日乞漿
百之年而揚朱之路多岐李白之天難上卅年來磨
穿鐵硯一樣冬烘千里外走散貂裘幾回春夢驥歷
坡而九折空有壯心雞失旦而一鳴已虛良夜不期
弩末之尚能穿縞居然錐穎之竟許脫囊既不落於
孫山且幸遊乎劉井銜恩無地想文章報國以何能
徵福自天思官職登仙而倍愧但紅日雖近而白雲
已遠東觀書多勉隨三百葦瀛洲之步北堂歲晚敢
虛八十年萱閣之春况長安米貴如珠無香山春草
之篇知久居良不易幸吳下鱸肥可膾動張翰秋風

之興得少住以為佳因載陟乎蘭陔敬暫辭夫芸館
惟是成瓜期促景迫殘冬行李戒嚴吉詹陽月回轅
北道將重污京洛之塵引領南天未暇泛山陰之棹
用憑尺素以寫寸私聯日下之鴻行每懷舊雨隔天
天邊之雁影但有停雲

良覲叙彼歡，悰屬以鱸膾。招人雞肋，誤我塊然。獨處誰與賞音，辱枉注存曠。若復面就審侍，奉萬福喜慰。不可任涉冬，迓寒想席康。勝江南春早，芳蕤殢心承。蘭咳之餘歡，締萱杜之匪契。催鶯送酒，倩鶴看船。曜靈匿輝，蘭膏凝夜。悟衷散賞，致足樂矣。南中告儆，鵠鳩載路。風聞高義，倡呼助彼泛舟。拯其轉壑，天河探價。計減尋常，敝郡往年同此灾。酷羸蚌粒於沙，汨榆蓬鄴於地。毛至乃屑石為糗，春糠作餅。賣兒貼婦襪，載纍纍聞之令人酸鼻。幸赤嵌珠粒航海來，蘇陸給諫朝陽一鳴。郡縣惶怖始復，傾困振原。响沫子黎迄

今十室九空，瘡痍猶未復也。近者京華冠蓋棋局一新，平原廣論於絕交。東海操戈於同室，因橘柚之殊氣，致蕉竹之相彈。毒手尊拳，獻嘲大雅。興戎自口，可為寒心。隣川夫子雅懷，恬素陰冬。陽夏浮沉人海之中，去歲遷除，竟逢捷徑功名。分定曩言，豈虛某棟。極緇塵濫竽，東郭禮闈告竣。承當路以館事，相湮諉折八座之襪線。畫學士之葫蘆，撫已循涯倍慙。塵忝但以長安久往來，日大難時會所乘望。或倖書上考，罷揮求米之帖。甘作墜溷之花，區區鄙懷如斯而已。又年逾知命，近始覓得一竈下婢，齷齪騫腹狀似宜男。

荏苒半暮仍之印鉤之夢將恐淵明棗栗虛行於扶
床伯喈琴書委心於亭帚攬影偶質春去秋來皋蘇
莫蠲胸春中旦惠子知我當亦頻與奈何耳久遲報
章缺然滋愧相見何日因風展忱春寒諸惟珍嗇並
頌新祺不既

啟

謝蔣礪堂宮保師啟

竊惟小草有遠志吹噓端賴於春風大匠無棄材雕
刻不遺夫朽木二千石重摹肘印方愧濡鵲尺一符
待換頭銜竟叨薦鷄蓋井汲每深於知己况袞褒尤
重於大賢感切銜環畏深翹乘恭惟閣下詩書元帥
社稷名臣措泰山之安以堯舜君民為己責任天下
之重較伊呂伯仲而誰優紫綉頒來帝想曲江之風
度黃扉啓處人傳司馬之姓名胸懷則滄海洪河心
事如青天白日自持節鉞屢貢絲綸謂大臣能事君

以人庶下僚無感士不遇闕翹材之館籠貯參苓披
啓事之函庭升蘭芷有說士甘於肉之意無進人加
諸膝之嫌脫穎而出毛生攜手而登駿茂固已群流
仰鏡冕樞轄於天門豈徒下走趨風引轡銜於雲路
頃承渙號明用揚廷露章捲歸燕之簾風信助搏鵬
之翼是必十奇著蹟呂平章夾袋纔收六計蜚聲虞
丞相華箋甫錄本虛懷而若谷因着手以成春豈期
林藻之孤寒亦玷荊州之題品念此子聲名未立假
以齒牙就一時聞見所知託之豪素華頭管尾叨隨
益友之三人王後盧前忝附令公之四俊汗顏感戴

泥首栽培某才謝鈍錐學漸修綆溯自川東曳組洎
乎冀北分符叨附籍於膺門幸寄棲於甫厦尋常毛
骨辱孫陽子細之看咫尺官牆勞尼父辛勤之鑄舊
思似水涸鮒長滋新諾如山抃蒼難戴雖木屑竹頭
之並蓄心休休其有容而餘朱澀劍之空陳髮種種
其奚補某惟有堅持雅操勉副殷懷嚴清夜之四知
勗駕材之十駕有絲麻無棄管蒯敬銘私室之恩爲
鷹鷄不若鸞鳳願矢公田之報

賀蔣礪堂師大拜啟

昨接邸報敬欣悉光膺枚卜晉副巖瞻逖聽延登莫
名忤舞恭惟閣下辰象儲精雲龍叶契荷三朝之恩
遇別歷中外者逾卅年欽一德之交孚參知政事者
甫一載凌益州六懸劍印暫遷綸扉廬太原五換節
麾宜升揆路雖河東為股肱郡尚資江左之夷吾而
宰相須讀書人群仰斗南之仁傑自昔參陪左轄幾
無官之可酬即今宏總上流想舉朝之交賀龍符掛
木九重徵夢賚之祥鶴鼎調羹三輔重保衡之任舉
臯陶為右相成五龍夾日之勳命君陳尹東郊慰四



嶽興雲之望賓徑之三三開處將幕未移泰符之兩
兩排來台垣正朗鬱為國幹沛作商霖某夙倚門牆
備叨埏埴阻賀其於東閣瑞憶金芝瞻慶霽於南畿
和看玉燭近懷韓忠獻詠寒花香晚節之詩遠學王
子淵進聖主得賢臣之頌

上阮芸臺宮保師啓

遠違模範瞻仰無由年來南北奔馳又復久踈丹牘
下懷悚仄與日俱長敬惟閣下烏祭墮延龍門望重
八番猿鳥共畏簡書六詔風煙都歸藻繪振膠絃於
燹燹二千年再到相如紆籌策於滇黔一萬里重來
諸葛甲兵胸貯膽牙旗玉帳之威稜袞繡心歸絢金
馬碧雞之光景凌益州六懸劍印早兆禎符盧太原
五換節旄彌高公論人望久孚中外天心特眷於西
南竚膺樞管之榮晉陟鈞衡之任歡騰恩慶洽情
田某燕燭誤書楚弓危得去秋因辦賑撤任蒙聖恩

錄用原官得銓授湖北糧儲道業於四月二十八日
到鄂視事儲胥任重適填心危問錢穀而不知撫斗
筭而滋愧伏望津傳寶筏治就洪鈞卿月堪依差喜
樓臺之近水春風如昨定隨桃李以成蹊遠聽裁成
莫名感仰虔修蕪啟敬布葵忱

賀潘芝軒司空師生日啟

伏以茂茂子孳恭筴衍嘉平之瑞甲周亥算台垣徵
綽縮之符大年克享夫天心者德允孚於人望歡騰
紱佩慶溢門牆恭維閣下辰象儲精嶽崧毓秀大廷
對策早魁玉筍之班初地傳衣屢度金鍼之譜郭令
歷二十四考疊晉頭銜羅侯總三十六曹特隆心簡
因官成集著書之歲月滋多式穀傳經接武之科名
未艾申錫渥邀於紫紵履曳星長寅清倍凜於丹衷
座談風月問圖史田園而孰富較聲名官職以誰儔
珂里抽簪爲愛恒春之日錦堂舞綵甘遲作相之年

今茲共撰載其古也或曰茲皆依會聞終高居氣類
和蕭閣不倍而書之其指此何則載編之外與此山
孟之洞蕭廬四之禮與有二十又蘇之菜宮因起
刺蕃之附以封絲燕日銀無算會向有瓜牛公派一
一此以當聖道下及否個開絲主之野以對羊米林
之舉北道主人當升意一闕口或無朱贏翁曰及了
信鏡中茶支熟門可尚下無內顧憂果臨幾有既歸
指首安否笑笑入我中竟無立報之此為且閣不卷
奉冒白氏雅閣不熟爛之本對與昏的味向中士貴
坐堂皇林絲養縣畢中由力負米之願何言不乘空

自東川君迺介其友應君西渠出半醒軒全稿見示而索序於余余謂造物無盡藏惟人所取心聲之興風會代燴其卓然能自樹立者類皆伐材於古鍊冶於心性木自舒靈牖獨闢故薪火傳而遞變景光燦而常新且夫冶芳絢春而挾天葩者菊有香而蘭有秀也艷姿傾國而寫妍態者燕自瘦而環自肥也詩至今日而家握隋珠人懷和璧取雋於神韻之外運奇於格調之中幾於巧極工錯文章之道與時變通君殆聞風而興起者歟觀其抒寫性情萃甲新意險破鬼膽妙解人頤巧而不入纖質而不近自非冰

雪聰明而又沈浸濃郁於陶謝韋孟香山放翁諸大家鎔裁而陶冶之其能吐棄塵腐擺脫筌蹄若此而大致與宋之揚誠齋今之趙甌北兩先生為尤近所作筆銘謂惟新惟真兩字汝獨蓋庶幾得失寸心知者而昧者猶汨沒於塵飯土羹之見動相訾議是不知吾法中有廣大教主而夏蟲不可以語冰也惜乎梅川先生早歸道山不獲見君之所造就余獨嘉君之不忘辦香而能獨標新雋為可傳也輒并數語於簡端質之西渠其不以余言為河漢也夫

上下其議論互相證印晚博一第官京師九年春秋
分校率持是為鑒衡蓋半生宦學得力於先生之指
授者居多今先生歸道山已二十餘年嗣君二齋哀
集其遺文將付梓以廣先生之傳某自蜀歸受而讀
之大含細入取法者不一家所就者亦不一格沉酣
典籍而擷其精英吐納古今而歸於雅正 則蒼莽
渾灑委輸不窮之氣充溢於楮墨間夫水大而物之
浮者皆浮氣感而言之長短聲之高下皆宜昌黎公
之言也此先生之所以為文與易曰修辭立其誠傳
有之言之無文行之不遠先生之文言自己出而蔚

然可傳於後信不愧於立誠而行遠者某學殖荒落
弗克仰承先志繼遺聲於萬一差幸先生之遺文不
墜辦香斯在薪傳如接又不能不三復是編而興嘆
也 矣 已

薛氏續修家譜序

天下事有一爲之而善有再三爲之且廣續爲之而益善者譜是也外家薛氏爲吾甌著姓代有傳人其家譜自宋嘉定乙亥至本朝乾隆辛卯凡四修迄今五十餘年子姓益蕃幾於覲面不相識妻弟南駒等因復取舊譜而續修之考訂蒐輯閱半載始成其體例悉仍前譜支分派別矍然秩然可謂能知本而善成先志者矣夫譜牒之設匪第以真繫世序昭穆族墳墓已也將由一本以及九族尊卑之分明隆殺之恩辨孝弟之心油然而生忠厚悱惻之思動於其中

欣

欣

薛氏續修家譜序
天下事有一爲之而善有再三爲之且廣續爲之而益善者譜是也外家薛氏爲吾甌著姓代有傳人其家譜自宋嘉定乙亥至本朝乾隆辛卯凡四修迄今五十餘年子姓益蕃幾於覲面不相識妻弟南駒等因復取舊譜而續修之考訂蒐輯閱半載始成其體例悉仍前譜支分派別矍然秩然可謂能知本而善成先志者矣夫譜牒之設匪第以真繫世序昭穆族墳墓已也將由一本以及九族尊卑之分明隆殺之恩辨孝弟之心油然而生忠厚悱惻之思動於其中

而不能自己記有之自仁率親等而上之至於祖名
曰輕自義率祖順而下之至於禰名曰重今南桐等
能敬宗收族廣續其前人之所為使 者萃而踈者
聯則其於近支同祖禰之親仁至義盡又當何如耶
昔元和姓纂作自林實而不知己姓所由來余家乘
散軼欲就所見聞等而上之以勒成一書前無可承
而後或有可繼蹉跎未果其又將對茲譜而心焉內
愧也夫

送徐南墅歸楚序

今年春余奉命分校禮闈得士十五人皆一時俊雄
其餘或格於額以微瑕被棄所最惋惜者於吳則李
君福馬君維璜於楚則曾君傳薪蔡君紹江南墅尤
楚北之傑出者也撤棘後披覽諸姓氏率大江以南
名宿竊喜老眼不花而諸君亦各抱知己之感先後
過從語次有潸然出涕者南墅承家學少負盛名中
年後領鄉薦屢上公車不第今余又得而復失之可
慨也願其為人頗個儻自喜掀髯縱談睥睨一切抑
塞磊落之氣流溢眉宇間在號舍與李君福避逅爭

以第一人相期許而蔡君紹江又卽其親授業士語
云居視其所與余尤以不能得南墅爲恨恨矣聞南
墅著述甚富制舉藝外間肆力於詩古文詞嘗以所
業贄侍郎鮑雙五先生披閱七晝夜始竟而以相見
太晚南墅已戒行將歸應錢邑侯蘄陽講席之聘不
獲一展誦然讀侍郎贈言稱其詩近吳明卿古文學
蘇老泉雙五先生非輕許人者其所造就固可槩見
柳南墅楚產也荆峴漢沔間山川靈淑之所鬱積代
有畸傑南墅其精詣深造蘄至於古之學者不朽之
業於是乎在毋徒以一時之遇不過爲戚戚也且南

墅交游遍天下今李馬二生已歸江左而曾君近在
楚南其文縱橫有奇氣上下千古能通達治體余以
王景略陳同甫目之君歸或過而訪焉往復商榷當
不以余爲蘄言也南墅名躍姓徐氏黃州蘄水人

序

張和齋六十晉四序

余自通籍後宦游燕蜀與故鄉朋舊濶踈幾二十年矣庚辰秋歸自巴渝里居之暇訪昔年所釣游一二老成人暨同研席諸君子與余齒相若者已落落如晨星而我與和齋大兄獨靈光歸然道殷勤通款曲猶仿佛竹窠庵同學時也君長於余二齡歲辛巳六旬初度諸同人謀製錦為君壽而屬於余時余以攝擗家事又做裝將北上不果應嗣出守津門郡繁劇無暇握毛錐復不果去秋奉恩命備兵大名歲豐人和因得以公餘撮叙崖略溯所繇受福致壽之故而質

不以余言為言也
王景和自
其弟某
聖文



言之君少醇謹無紆袴習氣能承堂上歡事繼母尤
盡禮伯仲之間怡和友恭迄白首靡閒生平無疾言
遽色與人交久而能敬家本素封樂施與以急難告
者罔弗應尤喜爲人排難解紛雖慎忮強悍不可馴
之夫得君一言輒渙然冰釋鄉之中推祭酒焉初君
欲以功名自表見從良師友銳志力學絕不問家人
生產既屢屈有司廼援例入成均爲上舍生卽家塾
延師課諸子呬唔吟誦之聲不輟所居面山臨水每
夕陽隱峰新月挂樹樵歌漁唱行吟互答藉以怡神
散慮遠舍良田數百畝灌園藝蔬訂記氏之書徵尹

君之錄時與諸田父課晴問雨循行阡陌間以爲樂昔
余嘗以君得老氏和光之旨名其齋曰和君卽因以
爲字今行年六十而鬚鬢蒼然精神氣幹不少衰自
非噓吸天和浩浩然與造物者游曷克臻此夫名者
實之賓而壽者福之應嘗論稱惟孝友於兄弟施於
有政是亦爲政君太和之氣洋溢戶庭則施之家而
旣名於家矣油油與偕鄉之人薰德而善良則施之
鄉而旣名於鄉矣聲聞之壽實之而名歸之與拾取
青紫以博虛名者蓋遠甚荀子謂孝弟愿慤蝸錄疾
力以敦比其事業而不敢怠傲爲長生久視之道周

書十七銘曰恭則壽揚子謂人可壽以其仁如君之
孝弟愿慤既恭且仁皆昭昭在人耳目與洪範言壽
而本於德以致福其理固先後相合符而余尤服君
之能以和名和一切窮達毀譽饑渴寒暑皆不足以
滑和而入其靈府夫氣和爲治平四時和謂之玉燭
王充論衡曰聖人稟和氣故年壽得正數百歲者人
之正數爲大齊之年則君之眉壽政未有艾也余距
懸車之期亦不遠矣他日者尋止足之義收拙印園
返我初服行與君徜徉詩酒侶魚蝦而友麋鹿以續
曩時未了之緣雖不敢希香山龍山之遺踪亦庶幾

頤和養神娛暮景於桑榆寄閒情於松菊其幸不割
華歆之席而許靈運之入社則請以斯言爲左券而
卽以是復諸同人先爲酌大斗以祈焉可

胡一之姻丈六十序

士君子抱嶽崎磊落之才不獲用於時以大有所表
見其鬱勃不可遏抑之氣在鄉邑間必倜然自異甚
遠乎選懦卑瑣之所為而天亦必葆之以純固之性
康強之身與旗翼等壽使邦人士皆有所矜式即游
歷者亦樂得導揚盛美擬拾其矜修懿行交相贊誦
以為吾閭里者舊之尤此余宦學數十年來所心儀
而心寫者今徵之於姻丈一之胡翁而尤信胡氏為
古章安右族文武衣冠甲一邑翁天資聰敏多技能
弱冠舉子業入武庠雅善騎射束脩自好郡邑翹

飲

胡

異之材爭師之出其門者率規步繩尺無氣矜凌競之習初翁以少年負材地欲建立功名為國家干城腹心之用既屢躋鄉闈迺慨然以家修自勵敦孝友事厥考得歡心內外無間言兄弟六人翁行三當失怙時李弟秀松方髫髻訓翼之使成立亦選入學官他羣從兄弟數十人怡怡友恭皆奉翁以為祭酒遇疑難事相質應機立斷有不相能者得一語輒渙然冰釋復勤幹強有力驚義若渴姻黨中以急難告者罔不應胡氏族大齒繁譜乘久未修歲時享祀或往往以貧不能舉翁綴輯世系使昭穆長幼有序增置

祀田若干畝使邊豆無缺所居近關壯繆公祠歲久將傾圮獨力為倡新之家有先世遺圃一花一木敬念手澤不輕加芟剔春秋佳日與二三賓舊燕集其中或請歌詩至終夕傾聽無倦容聞譚史傳遇豪俠忠孝可喜可愕事輒掀髯抵掌慷慨激昂有擊碎唾壺之概至於老不哀蓋其生平伉爽俊雄尚氣節重然諾以故賙人之窮赴人之急身任之不稍遺餘力所性固然也今春秋方六十親串間相與舉尊為介眉之慶以翁與余同壻於薛其德配余內子姑也弟培芳又室翁之猶女葭莩相屬裙屐夙通因走書而

徵辭於余曩余官京師九年繼而宦蜀宦燕又宦楚
中間一再歸故鄉與親舊叙契濶得幸接翁之言論
丰采與凡衣忠履信諸大端竊感翁之雄才偉略有
古任俠風而又能一軌於正使得致身青紫出其聰
明材智保惠錫福以壽身者壽民而壽世焉豈不甚
懿碩翁雖未竟厥志而卓然能自樹立使名德俱昌
精神矍鑠以視世之擁幢麾亨鐘鼎而澤不被於一
夫者其相去蓋遠甚猶憶癸未歲余以謁選將入都
過辭別出令子相見岐嶷秀立苔發穎豎其器宇必
大就是天所以報翁者正未有艾也余雖不獲隨諸

君子後稱觴鞠脰而猶得蒐緝舊聞以靳綽緝異日
者翁年彌高德彌劭余懸車故里追隨杖履於集雲
紫霞之間相與砥礪名節誘掖後進不徒講姻婭之
誼究延齡却老之方翁必當樂引為同調也

頤研樂別駕六十序

夫探金籥於黃庭儀璘相侏餌琳腴於紫館弘悅雙
懸偶歌偕老之詩例晉長生之頌而况放衙花底樹
撫恒春坐嘯琴邊杯呼延壽方銀牘添壽之日怡瑤
池集宴之年頤和則並守庚申眉齊鴻案衍算則同
周甲子手捧龍章如研樂別駕先生者夫非壽寓之
綿庥福疇之錫羨者歟先生家傳閱籍注瑯嬛論
才則江左名流講學則涇陽嫡派訃神仙骨相聲雋
一費誇臺閣文章名高三舍維時方伯公建藩畿甸
移篆浙江先生眷戀春暉研摩夏課囊書錦古夢筆

頤

頤

花新詩品清奇挹都香之山色文瀾浩淼涵明聖之
湖光每邀楮墨之靈大得江山之助而乃槐花屢踏
桂子頻攀爭傳羅隱之名重失劉蕡之第望仙山而
不到風引銀舟溷人海而誰知雲沈珊網然而驪珠
在抱時吐奇光龍劍雖藏終騰異氣會方伯公以引
年歸里先生方侍養趨庭奉裙屐之餘歡補陔華之
逸句而令兄拾珊刺史薊門作牧蓮幕需才承嚴命
以過征借前籌而助理談心共被問政連牀難弟佐
以難兄讀書因而讀律最廉靜則不開利孔導慈祥
則不峻罪梯襄賑粟於監河整鴻安宅倡築堤於泥

於泥海謠鶴復皮制府慕其長才延為記室劉穆之
百函俱發鍾士季五字文推飛書草檄之時搖筆伸
牋之會莫不網羅故事規制時宜畫諾在心借書於
手九重動聽知李昉之在淮南三輔侈聲喜文長
之居浙右然則以先生之才之學而大臣知之天子
知之以視夫逐隊霓裳獻嘲麟楨者奚啻玉卮之魚
當海棗之空華也哉旋以嘉慶甲子科京闈薦卷桃
補膳錄議叙通守分發江西地當冠蓋之衝山接衡
廬之勝官斯土者往往流連風月跌宕琴尊而先生
則自南安而歷南昌由司李而權司馬才紆展驥化

化溥馴鷗贈三公之佩刀下列藩之別榻捧懸五色
鐵面難干水餞一盃冰心自賞持贈延陵之編歡洽
舟裳平分子敬之困盟尋車笠每當印床花落藥竈
春回詩情卽寫民情醫理亦通治理謝安石與人同
樂白香山舍此何求卓哉惠德而惠心允矣壽民而
壽世者也夫貞貞後福髦髦考祥有開必先無美不
合德配宋宜人璇閨毓秀珠浦承華蟲夢同心聽鳴
雞而昴旦魚軒從宦爛德象以宜家山公聯嵇阮之
交資其題品東海仰郝鍾之範奉爲楷模所繇慶藹
流祥善心集祐荀龍携望子舍鏘洋衛虎清神孫枝

馬奕秋花蒂並瑤房增伉儷之情明月輝圓綺席照
團圍之會歲逢元黠星朗長庚珠玉成林進松柏九
如之句韶蟬滿座麝臺茶十有之章令嗣君雪帆少
府判牒鸞棲聽琴魚市稟承顏誥協贊商絃商廩卽
不媚長官張渭南獨出上望雲心切平安長報於
鴻書愛日光多綽綽倍慚於糜壽某牽絲西蜀返棹
東甌一片歸雲路繞滕王閣外萬家生佛碑留君子
亭前洎息影於蓬廬獲交歡於梅尉維桑展敬惟愛
之風流式穀推賢載高月旦輝煌門業遡醴泉芝草
之根源颯縷家禎寫景星卿雲之芒色效勒銘於晉

鼎附獻酌於幽甃定知魚信明年押尾拓辛家之印
試看鶴書今日平頭祝亥字之仙

祝

祝

公祝蔣礪堂宮保六十雙壽序

聖天子御極之五年協氣蒞敷洪禔枕被龐臣碩輔
錫羨延釐暮春三月為我宮保中堂六秩慶辰象緯
含靈鶯花鋪藻申甫之生降於嶽平格之壽錫自天
北闕恩翔南弧采炳帝暉下燭絢兩行旌節之花聖
藻高翔爛三璧雲虹之色天淵地軸共衍嘉禎祠像
棣通載蒙祉福莫不銘成縮綽鑄晉鼎之雲雷舞劾
軒襲光虞廷之日月謹即公之宣勤篤祐交孚心德
者為揚扆以侑一觴焉公褒鄂勳門金張華胄弼其
符采右麟左鳳之祥感以精靈夾日乘雲之氣別駕

桐豫

之刀早贈鄴侯之架相傳方其表異髻辰翹姿昨日
始入符郎之舍能吟祖詠之詩紅帖輸糧切心儀於
膏雨青編檢字忘目眴於斜陽人瘼先知史材預擅
甫佩童年之牒旋橫蠶舍之經忘小市之徵歌青歌
擅案笑奚奴之策蹇紅踏花塵百篇中程三篋能識
遂乃藥階早步蓮漏宵聞校讒則投牒披圖撰傳則
事增文省覽卅六部芑符之秘通十八州士族之名
萬卷下筆而有神一行作吏而不廢論思獻納千秋
金鑑之編文雅縱橫一品會昌之集朱藍衆體谷藻
羣言此公稟之殊而學之粹矣何執中遇五有慶王

司金選百猶沈每躬盼腰黃半多頭白公名爲翰長
銜是冰條領東觀之英材任西清之劇職雲龍際會
霜隼威稜持英蕩以分藩試鋒輅而攬轡鬱孤臺畔
心憐攫肉之烏蓬賴灘邊氣靜磨牙之鰐讀書讀律
莅九江而績著臯蘇來甸來宣臨六詔而化行周召
星移斗野隄鞏海門探米價於天河沆紗越女近襜
帷於水驛騎竹吳童百粵敷釀瘴洗枕椰之雨三刀
入夢波澄灑瀕之堆入長雲司載墮日甸五辰凝庶
績用師百僚一氣轉鴻鈞爰立左相實大耐敏中之
殊命非僅躋元保之清階况復閩海黔陬秦關汴水

籠搜良藥詩評皇華持衡則位應文筐佐校則心清
禮閣風徽可嗣繹對珪述祖德之詩富貴不夸忘衣
錦行故鄉之樂輝增孔翠御文軒而纓采輕飄香散
驄花入紫禁而鞭絲援控思叨百福式先汗牛陸氏
之歲宴錫重華許觀駟馬元封之詠贊安平太之治
居師保傅之尊此又公遇之隆而福之備矣始逢甄
擢之初卽處脂膏之地一船買得此間惟載圖書八
口攜來長物并無琴鶴楊太尉以清白貶後司馬公
矯激于名且也仁粟能分恩周北郭廉泉可挹惠及
西華戶牖洞開心事如青天白日冰霜獨坐氣象則

高山深林其蒼豫章也滌盪山源糾度姦蠹設霽月
光風之座嚴妖腰亂領之誅其蒼粵海也搜鯨鯢而
盡剪海若心驚却犀貝而勿珍波斯氣折風恬桂管
春決椰鄉戴麾騰虎之旂改督旄牛之徽集鼓篋投
壺之僑拓治經游藝之齋磻石飛霜算免起夷人之
舞大旗落日令嚴戢壯士之驕邊閑萬弩之秋風野
足一犁之春雨旣而戍收滴博將發駢隣騰柁鼓於
軍中落欖槍於天上頌方叔則羣稱元老拜令公則
喜見大人洎乎移節畿南飛章闕北流民鄭俠之圖
荒政青州之法轉東吳之粳稻頌少府之金錢右粥

左餐昔襦今袴舍力而農皆勸稼緩征而戶免催科
擬竹箴交導滯聿宣夫水令和風甘雨含滋屢告夫
金穰天子則用汝作鹽梅國人乃望君如父母此又
公德之盛而功之崇矣論者徒謂公半面不忘十人
足了手是量材之尺胸多記事之珠故能燕雀平衡
艾蘭同潤不知公太邱道廣元禮門高自總封圻每
勤抽引無須夾袋早識姓名稱其官惟爾能舉其親
不爲比范叅政書陳十事曲體人情陶荊州務綜千
端但勤吏職履屐各得其任方圓毋失所施此又公
量之宏而心之廣矣且夫梁拜司空而圖應度稱聖

相而神扶公甫入臺端特蒙召對溫方就日瑞正飛
雲花濺螭坳春增豸府鴉啼廟近平張無恙之帆龍
隱潭腥默應存誠之禱禮竺峰之金剎天爲開雲啟
滇海之銅山地不愛寶芬鋪杏隴正瘡痕煦濯之辰
秀挺芝房是鼎鼎調和之日非人力也自天祐之德
配一品夫人馬夫人韞淑東冲含醇吮粹勞然脂而
伺漏星爛東方詠鶉釜而馨羞風儀南國正珩璜之
品節覽德象之歲銘式是禮儀揮茲槃奏矧庭盈乎
蘭芷俱器稱乎璫璵雅紹經籛清涵德鏡固宜式繇
家慶滋至天庥聽金木之仙歌迴儀璘之瑞采上方

新賜光康煥永保之匹太甲高饒金赤奏長生之簡
某等恩深銘造義積周旋播聲聞則耳熟能詳中斷
不則手仇願侑有德必饗其樂宜章眉梨駘耄之徵
不言而飲以和同被景醴柔甘之應詩曰耆而艾何
須注五千言道經曰正舒以長行見邁卅六年宰輔
謹序

宗母徐太孺人七十序

蓋聞凰飛兆而媯後昌孤麗謠而妣宗啓山公未遇
忍寒堪作夫人雉牙將興先覺式甄母氏繫室家之
初立類靈淑之間鍾藉非佳耦作述令德來教曷由
匹蕃釐於富媪譜房樂於壽人粲粲門子潔白華之
養藹藹吉士揚彤管之輝此余族孫 等乞言爲
其母徐太孺人壽而余且樂爲甄叙以侑一觴也太
孺人璜琚節佩蘭蕙分韃早嫺德象之篇夙戒寢門
之業臨沂在室叔父訓爲女師潁川未歸中表貽其
嬪則聿遊小阮作儷大喬維時凍雀辭山棲烏借樹

桑樞蓬戶井臼親操芋圃瓜畦犁鋤待把餘明乞於
隣火竈敬肅於饁耕無改隱者之風善承夫子之志
食負三歲庾郎之菜同烹遣客十人李衡之柑早種
洎乎買宅百萬有田十雙省穡為縈浣濯成服藻蘋
自齋於牖下鶩鴨不惱於比隣張安世之曳絺資其
效績王濬冲之算碓助彼持籌然使著裙而僅解押
祖繞牀而但知阿堵雖光益乎家道猶牽累於俗情
而乃厚下曰仁善心為窈存極親類繩南和之徽散
瞻宗姻廣開封之惠間士之待舉火外孫之望分田
允賴中閨慨貽雜佩况復負螟均愛醇醪養心蘭入

夢而先徵荔側生而競挺三心五噶依榮曜於春暉
二首六身算齊年於眉素繼而罷吟偕老陶性含飴
猶復傾筭金以易書掩船錢而勗學娛賓之鯉取雋
於侯鯖束脩之羊刲腴於公簋以故山分大小屋住
東西游竹林者並友渾瞻賦芍藥者爭詢養炬天許
於門之大家傳仇母之賢抑可謂忠閭川流德馨風
馭者已重光歲紀古稀算繇屬當懸悅之辰大有菴
鞠之客志先姑之訓未忘鹿車臚壽母之歡雅聞燕
喜某戚聯親姓行忝文人敬姜禮宗文伯兄濟其美
宏微家乾謝混頌志其詳爰綜徽嘉用蘄綽綽庶幾

區明風烈無讓懷清之臺欽挹神明如蔭恒春之樹
云爾

題詞

胡石東故妻林夫人遺照題詞

石東持其夫人遺照索題昔王武子覽孫子荆除婦
服詩情文相生悽然增伉儷之重余目夫人賢名久
矣披此圖莊雅閑遠彷彿神仙中人墨華幻影蘭風
散馨宜乎石東有奉情之傷也畫圖省識春風面環
珮空歸月夜魂余昔年亦抱斯恨延津故劍對此彌
復惘然

是顏其堂且使後之人知竭力致身無二道而有志
於干城腹心之寄者亦庶幾聞風興起也夫

重建小聖廟碑記跋

河東故有小聖廟祠平浪元侯歲久浸就圯道光三
年饑邑紳賑饑於此潘君興國偕侯君肇安等實董
其事存活無算君既盡廟貌之類且懼賢賢者之慢
神也乃撤而新之計所費數十緡既藏役余詣而瞻
禮焉棟題丹雘既崇既煥君自為文以志泐石於廡
而以跋屬余是足見君之勇於好義而用心之誠且
篤矣方賑事之作也君捐金多而課事勤制府襄平
蔣公徵其事入 告天子嘉之勅部臣優叙並賜其
次子 六品銜受恩良渥繼自今君其益勵善行

以式里閑而貽孫子獲報正未有艾會余方拜命備
兵大名行將別去道雖遠猶樂得而述聽之是為跋
道光四年九月朔天津府知府陞直隸大順廣兵備
道甌東林某書

寶香山館集卷十七

碑

新修大名書院碑

人才之盛衰關乎氣運要賴在上者有以鼓舞而作
興之所謂莫為之前雖美弗彰也大名故魏地舊有
書院曰元城在郡西南隅創建於明正德十五年觀
察劉公秉鑑嘉隆間相繼增葺而上達樓之前巡按
行臺寓焉國朝順治初併為節署至康熙辛亥罷鎮
後郡守周君時彬始即其地建文昌閣移書院於舊
址之東偏易其名曰天雄乾隆癸亥觀察沈君世楓

重修之戊寅歲併魏縣入大名移治附郭奏改書院
為大名縣署而以城東舊列駕署為天雄書院此即
今書院所由昉後雖一修於乾隆癸丑前觀察丁君
漑再修於嘉慶甲子前郡守張君體公而數十年
來因陋就簡規制未備又歲久多圯敗都人士之考
德而問業者幾無所棲止科名亦稍稍遜於前矣去
年秋余奉命備兵大名下車後即書院課生童周覽
房舍徘徊者久之退而與太守鐵嶺福君敬謀所以
作新者君慨然以勗修為己任集城鄉紳士等
為醵金計且首捐廉俸以倡余與諸寅好亦助成之

議既定擇諸生之公勤者鈎稽營度而屬郡博士崔
君廷詔董其成鳩工庀材撤舊舍拓而新之悉南嚮
於是庠者崇陞者廣晦者明築房舍七十間視舊制
增三之二後為司教廨守其前為講堂堂之前為文
昌閣為月臺為廟門郡向無專祠守土者權於此瞻
禮焉大門仍額以書院紀實也易天雄曰大名質而
古且於文教為宜也君為堂曰辦香為齋房東南隅
為便門其外為照壁繚以周垣巍然翼然軒豁宏敞
講肆有其地游息有所一切几榻簾幕庖漏藩溷
之屬罔弗備費白金一千百餘兩經始於道光乙

酉春正月至夏五月落成甫訖工俊彥鱗集迺擇其
尤者若干人爲上舍生優加廩餼日課制舉義令郡
博崔君扃試而黜竄之復檄南五州縣率紳士助膏
火以資久遠嗚呼賢太守作人造士之心可謂勤且
至矣崔君請礮石以爲之記余惟書院爲育賢儲才
之地與學校相表裏古稱衛多君子自蘧伯玉子貢
閔子諸大賢外若汲長孺毛孝先之風節京房之經
術東廣微谷那律之淹雅劉子儀李邦直之華藻劉
忠定之理學皆彪炳天壤輝映後先明中葉後人文
蔚起猶甲於畿南豈古今人果不相及與抑天地靈

淑之所鬱積有待而後發與曩讀班史循吏傳至文
翁之化蜀黃霸之治潁川輒流興嘆謂大異乎俗吏
之所爲今太守能鼓舞而作興之也如此又得郡博
士爲之切劘詩有之高山仰止景行行止諸人士沐
浴教澤宜如何踔厲奮發砥行立名以仰企前哲又
豈特科名之盛榮閭里而光邦家也哉郡志稱隆萬
五年知府永嘉王公叔杲加勅書院號舍四十餘間
選郡邑諸生群課之一時文風號稱極盛余於王公
爲後進涖公之故治願瞻甘棠假福君之力以告無
罪於鄉先生抑余之厚幸也夫是役也大名令辛君

文止元城令張君金煜大名諭王君芑林司訓張君
丰米元城諭邢君天一司訓湯君璋皆與有勞焉例
書之以諗來者

羅氏家廟碑銘代

古人臣服官至三事得立家廟礱石著先人名迹以
昭示來葉申詠纓慕權文公所謂晉鍾衛鼎追琢先
德不若紀文字於麗牲之碑之爲詳者比物比志也
思舉生十三年而失恃壯歲從戎甫十稔又遭先將
軍大故然往來秦楚巴蜀間援旌擐甲馳突於金鼓
鋒鏑之場履危蹈險出萬死一生得階尺寸受知九
重備員方鎮今年且五十有六矣豈思舉之力能自
致繫先將軍及太夫人積善之慶實陰相之先將軍
性嚴毅履方砥節與人交則和若春暘好善慕義汲

汲然常恐不及每謂思舉起家戎旅當明大義致身
効忠時舉岳武穆武臣不惜死及馬伏波馬革裹屍
之言相責勵其貴而思約老而益謙尤恒情所難太
夫人慈和淑慎動循禮則無梁肉紈綺之奉而德惠
洽於姻黨督子女章耕織勤習勞苦思所以自立閭
里間至今猶稱道之先將軍生雍正十一年癸丑六
月初九日戌時考終於嘉慶五年庚申二月二十五
日戌時壽六十有八以某年月日卜葬於太平廳羅
文壩河東祖塋左壬山丙向兼亥子三分太夫人生
雍正十一年癸丑十一月初四日亥時卒乾隆四十

一年丙申四月十五日未時年四十有四以某年月
日葬於東鄉縣白花坪祖屋基後子山午向兼丙寅
三分嗚呼思舉生也晚先大父大母之淑德懿行夙
乎邈矣維仰先將軍暨太夫人鞠育教誨撫思舉兄
第八人女兄弟二人今勵有存者思舉承祚襲訓得
以總率戎律龜勉供職顧念數十年來流離坎壈崎
嶇戎馬之際孝養缺如幸獲有餘祿以飾楹棧奉贖
藻而潛德未耀矣以飭稚昧於長久爰竊取歐陽公
瀧岡所表之義追謨遺迹並卒葬年月山向勒諸貞
石傳示子若孫用誌思舉風木之痛俾知先德之發

塘下當以寧時公爲斷寧時公生四子長諱應龍次
諱應鰲居塘下次諱某繼居平陽西門外後洋村我
祖敬榜公其季子也生康熙十九年幼孤寄居薛里
及壯偕祖妣葉氏歸故里以舊居湫隘嶼頭家焉今
老屋數椽公手創也公享年七十有三初生先伯父
起秀府君早卒至雍正八年我府君生府君生二十
四年而敬榜公卒時乾隆十七年也以某年月日葬
於本里山下蓮池之原坐坤向艮兼 分金後十
五年爲乾隆庚子祖妣葉孺人卒距生康熙三十一
年年八十有九以嘉慶六年十二月祔葬焉初敬榜

公旣葬後府君念神人異居家中無可以安宗祀者爰
建祠堂之東偏經始乾隆甲辰秋迄乙巳正月二十日
告成祀高祖以下越三年而府君棄世今嘉慶六年夏
始磨礮而丹雘之以仰承先志而府君敬宗收族之心
或當稍慰懼後之人久而無所考也爰撮其大略如左

浙甌會館記

甌於京師無會館歲乙酉余與同邑許樂山提軍議
捐創屬叙堂洪孝廉營度之得都人張姓舊居於城
南賓教胡同葺以為浙甌會館若門若堂若房室庖
湔館人之舍一切几榻器用皆備備費白金若干兩
館既成客有問於余曰會館之有無孰勝曰有勝與
小孰宜曰宜大然則曷為而小之且不公之台括而
以一郡私者余曰私於甌勢也先所近也小之乃所
以為大也鄉前輩諸公嘗募捐甌括會館矣疏引四
出僅醵金數百旋散去何者願奢則難償而任分則

飲

記

互諉什伯其貴卽什伯其力與心也且夫九州之被
華矣不若檐榆之易具也五侯之鯖美矣不若膾臠
之易充也大鵬之圖南與蝸鷺之決起其爲道遙游
一也今茲之舉鑿窮大之失而不敢侈張其事故力
小而勢不得不私亦庶幾苟合苟完姑爲是嚆矢焉
濫觴焉使甌之人有所憇息而聯屬焉以仰酬鄉先
生未成之志請自隗始云爾因而拓之由近及遠合
括與台而大公之是在同志築層臺者和邪許濟巨
川者齊旼檝此余與提軍所願拜下風者非卽以是
爲觀止也又小乎哉客首肯而退因略叙其創建緣

起爲之記並列條約如左以告來者終始其事則叙
堂之力居多云

溫如

懼弗贍贈公力任之諏吉營度三面夾大松木爲墜
址繚以椿棧伐巨石縱橫而午貫之鱗次櫛比復砌
碎石爲坦坡達水際里之人執卷揭供廩餼者爭趨
事恐後三閱月告成費白金二百有奇臺梁駕空渴
飮飲水蕩蕩然如周道之歌砥矢也鄉父老請仿柳
州志鐵爐步之例贈公雅不欲自爲功謝弗許後二
十餘年上游溜勢益南徙馬道當其衝漸圯敗伯兄
培元懼先蹟之就隳也率弟姪補修屬六弟培榮董
成之於嘉慶某年某月歲事未十稔陟剝如故蓋奔
湍怒濤砰訇激蓄木石半淪陷入江中竄而外泐地



勢固然歲丙戌復僉謀於衆鳩工庀材甫踰月而畝
者正缺者補靡者崇費且減大半創之難而修之易
不信然歟工既竣伯兄寓書來陽平謂天下事有大
利害所繫因循莫之舉一旦晏然觀厥成後且相忘
所緣起如是者馬道雖微而先贈公圖始之苦心不
可以久就湮沒且使繼志者無所考而勸也爰磨石
而命培厚爲之記同里諸君子先後醵金襄義舉亦
與有勞焉并附書之以勒於碑陰

墓誌

先祖考敬穆府君暨先祖妣葉孺人墓誌

嗚呼先祖考敬穆府君既葬之二十九年冢孫培元始奉葉太孺人祔又六年始樹石而命培厚為之誌府君姓林氏諱應魁字奕翰敬穆其私謚也於明故處士諱思泰公妣氏某為孫清故處士諱寧時公妣氏殷為季子林氏系出自閩兵燹後譜牒失傳寧時公始自本邑廿二都雍垵遷塘下生伯祖應龍應鰲應某繼平邑西門外後垵林氏府君以康熙庚申十一月二十七日酉時生甫數歲遭耿逆之難骨肉離

下



此墓誌係由... 敬穆府君... 葉孺人... 培元... 樹石... 命培厚... 為之誌... 府君姓林氏諱應魁... 奕翰... 敬穆... 私謚... 於明故處士諱思泰... 公妣氏某... 為孫清... 故處士諱寧時... 公妣氏殷... 為季子林氏... 系出自閩... 兵燹後... 譜牒失傳... 寧時公始自本邑... 廿二都雍垵... 遷塘下... 生伯祖應龍... 應鰲... 應某... 繼平邑西門外... 後垵林氏府君... 以康熙庚申十一月二十七日酉時生甫數歲遭耿逆之難骨肉離

邊遂依倚河鄉薛里薛公家卽今孫婦之從曾伯祖也年二十八偕葉太孺人歸塘下貧無立錫力穡稍自贍遷居嶼頭經營拮据卒起家爲鄉素封性果毅慷慨有大志生十三年而寧時公卒歿身哀慕長伯祖病劇府君自薛里來侍疾朝暮往返衣不解帶者累月熬臂肉顛天得愈其孝友出天性云乾隆壬申十二月初十日辰時卒年七十有三乾隆三十八年癸巳二月十一日巳時先考直庵府君卜吉於本都鳳嶼山麓蓮池之原坐丑向未兼艮坤分金葬焉妣葉太孺人本邑九都前埠著姓未及筭來歸勤儉慈

惠爲府君賢內助享年八十有九生康熙壬申十二月二十日戌時卒乾隆庚子十二月十八日戌時其葬則嘉慶辛酉十二月二十四日也生伯考起秀公先卒未娶祔金山祖塋吾先考直庵府君其次也娶吾母氏吳逮事府君者五年事葉太孺人者二十九年女姑四長適霞碣魏君之次適下洞楊君成棟次適本里應君有聰次適澄頭庠生謝君啟洛孫男七培元增貢生娶項繼娶曹又繼娶唐培篤增貢生娶游培厚候選訓導甲子科舉人署淳安教諭娶薛培嶽增貢生娶蔡皆太孺人吳出培榮國學生娶陳

培芳邑附生聘胡培幹業儒皆庶母氏楊出女孫二
長適蔡橋庠生陳榮次適南陽吳鳴鸞亦太孺人出
皆已卒曾孫九毓芝毓蘭培元生毓棟毓柱毓梓毓
楨培篤生毓英培嶽生毓俊培榮生曾孫女七嗚呼
昔歐陽公瀧岡汗表遲至六十年卒推恩褒崇三世
今諸孫蒙先澤得耕且讀願不克顯揚以為前人先
愧恨何以謹詮次世系里居姓氏暨卒葬年月歲諸
幽以俟後人嘉慶丁卯年月日謹誌

先曾祖考處士公墓誌

嗚呼吾林氏自兵燹後譜系里居均不可得而知矣
公吾曾也祖若父志之斯知之耳而其詳猶弗得知
也知公之考為高祖思恭公其妣氏與卒葬兆域不
知也知公之諱為寧時其生則明天啟四年甲子五
月十四日午時卒則本朝康熙三十一年壬申十二
月十八日戌時而字行及有無伯叔兄弟不知也知
公之配為殷太孺人其生卒為明崇禎十四年辛巳
十月十日寅時本朝康熙三十九年庚辰十一月二
十二日亥時而外家居址及世系不知也知公之居

自雍垸遷塘下公之葬為本邑二十二都金山祖塋
坐 向 兼 分金而遷徙安厝之歲月與其潛
德不知也亦可慨已公之後為四支長伯祖諱應龍
妣嶼頭應氏次伯祖諱應鰲妣賈氏東陽鄭氏皆居
塘下三伯祖諱某繼平邑西門外後垸林氏妣某氏
吾祖敬禱公諱應魁為李子妣前垸葉氏遷嶼頭女
二人適上垸賈某嶼頭應某孫六人曾孫二十一人
元孫三十四人來孫六人嗚呼為人子孫於水木之
所自出其不可知者則亦已矣以其知之略而弗傳
後十百年不并其可知者而亦不知耶曾孫培元爰

擇吉立石撮其可知者勒諸陰

某年月日謹誌

溫如

質林葉公墓誌銘

余方志學時輒聞平陽質林葉先生之名未之識也
乾隆己亥赴秋試道出蘭江與先生買舟偕行越數
年復晤於郡城之飛霞洞驪然道故制舉藝外並及
於世經治心之學自是始有以窺先生之深壯歲客
遊未遑相聞問返自川東而先生已早歸道山嗣君
京等卜葬有日奉行狀及生平著述來乞銘余與先
生有雅故不容以固陋辭按狀先生諱嘉榆字秀林
質林其別號也先世自平之葉垺遷城西南半塘歷
世傳清德未濯祖之儀祥生考世璧太學生妣張孺



飲

人生子二長國學生嘉樹次即先生太學君早卒張
孺人遵遺命出橐金五百構西塘書院於舍東延名
師訓導先生幼聰敏既成立以家政奉伯兄益自刻
厲弱冠補郡弟子員旋食餼聲雋一醫為文蒼莽渾
灑務以氣勝既屢躋棘闈遂肆力於詩古文詞暨六
經諸史百家之言尤精於考據剖析同異綜覈源流
其持論皆具有卓識閒有搜古碑斷碣表章軼事補
邑來所未備初先生受經於邑進士張中亭先生復
從司諭鄧縣盧月船先生遊二君既宿儒負重望他
交遊又皆一時知名士故其學辨而裁博而有要哉

己未以卑恩充鄉貢生既晚暮不樂仕進遂築室於
文溪之濱優遊嘯咏顏其堂曰尚志又為六寶六喜
二齋大書而揭之於壁六寶者虛靈為心寶學問為
身寶勤儉為家寶孝友於鄉寶名節為國寶聖賢為
世寶六喜者不喜獨居亦不喜群居不喜奕亦不喜
釣不喜畫亦不喜花去其所不喜以成其所喜也嗚
呼此可以見先生之志矣晚年益篤學手不釋卷或
終日靜坐所著有象義別聞詩義解頤刪定周頌禮
記類編周官翊訓讀左遺言樂律紀原改定漢官儀
史論五代八國表歷朝兵鈔方國珍亂郡考平陽歷

朝冠警錄輿圖詳考東甌建置考笈林日記仰止集
臥遊百詠舞鶴閒吟尚志堂詩文集璣珠亭日課晚
園小藁心經臆說縣志補正等書若干卷藏於家夫
國家以經義取天下士而或束書高閣槁項黃馘沒
溺於時文帖括之中以求就有司之繩尺而不可得
倖博一第登朝籍舊章故事一切治亂興衰之迹冥
然而不知其原苟且以就功名者比比然矣今觀先
生之所論著湛深經術而通達治體非貌爲道學迂
踈者比使其立朝必有可觀乃僅以一明經終老於
家至彌留時諄諄訓其子若孫以謹藏遺藁誦他日

必有知我者嗚呼其可悲也已然先生學成於己吾
名附之行修於家而鄉黨之性孝友樂善好施居母
張孺人憂哀毀逾禮手輯宗譜並哀集先世遺聞爲
世德流芳錄復刻石以表族人廢墓倡修元史牖巖
先生祠建塔滿堤門置義塚贖鬻子之爲僧以償債
者皆爲人所難至今猶籍籍稱道弗衰古所稱鄉先
生歿而可祭於社者其在斯歟先生卒嘉慶十六年
辛未八月十日距生乾隆九年甲子三月二十六日
年六十有八配同邑游孺人貢生朝語公女與先生
爲姑表親能恪守婦道撫伯似遺孤如已出訓諸子

劇新導場

包廂一元 四座八角 二座六角 一座四角 每位三角 每位二角 每位一角 每位五分

顧無新 張嘯天 李英曼 朱赤鳳 夏詠秦 野芬宮

海陸軍之要案，亦備置其周，海豐後方之公半權樹間，埔心之分心四，梅離之東都嶺，后門之羊蹄嶺各處，均起築砲壘，因陳軍之兵工廠設在海陸豐，故設防如此鄭重，至築兵工廠近，日以前絲髮張，已加工鼓鑄子彈，并坤調編長茶加二千餘人回駐其地，以資保護，至於輪軍方面，其調湘軍加入各路及作戰準備，大我巴安營，昨日因團中，已有小戰，特於右龍方面加調湘軍第一師，第一團，於六日上午十一時，由石浦運糧處派電船運送中路各線，湘軍第四第五各軍，經於日前全數開至左右兩翼，第二軍為激半之一部，亦由北江江村從陸路開赴增城，五日湘軍總指揮第一軍長朱德，復下令所部第一師長方開英，先調部隊開，於六日乘廣九車

江山秦台

血詔等 多是情 文彙至月樓八角 香正相 特附七角 生布景 頭用六角 如特別 頭用四角 二等三角 燈天電 每逢星期 團滿台 三六及星 白彩雲 期日准演 柳成陰 之大 日戲 無比之 殿巧妙 機關地 窺亦皆 奇美非 用真

本二排新演准

文薈

- (一) 大紅衣女郎與路一森 幾次三番為救可明夫人而出於一時權宜之計的假愛情
- (二) 王八掛微烟人犯
- (三) 兩個情人單相思
- (四) 糊塗畫師中賊計
- (五) 大小紅衣遭危險
- (六) 計上加計誘捕強盜
- (七) 險中有險窺窺奸女子

力學子以無墜先業歲大袂出餘資贍宗黨且教之多
 藝藝臺菜以取給蓋閨閩中之賢而才者生乾隆十
 年乙丑正月三日卒嘉慶二十五年庚辰九月二十
 一日年七十有六子四長京次干霄皆邑庠生次茶
 次崇皆太學生女三長適太學生宋鎮南次適邑庠
 生林定海次適太學生陳誥孫八孫女八曾孫男七
 曾孫女一以道光四年八月十二日巳時合葬於慕
 賢東鄉象山之原銘曰
 味其豐腴其儲被褐而懷珠歸於其墟淑德兮與俱
 葆手澤子儒之書勒銘樂石子于春弗渝

新到譚派正宗 余子之 叔岩之高

忠寶

大紅衣女郎與路一森 幾次三番為救可明夫人而出於一時權宜之計的假愛情
 良江調，現時花樣翻新，原料既佳，本年添用鐵機，盈餘較多，第四工場原有織布及柳條器具，營案所入，本有盈餘，現為應地方所需，添製紙傘，盈餘亦豐，第五工場裁併，所有五金機器，併入第六工場，第七第八兩工場，亦仍舊營業，第九工場，織科停止，專辦針線，每日製針一萬萬枚，預算每年可得利價十萬八千元，除去一切開支，能盈餘之萬餘元，第十工場，所有排磁器具，銷路一定，遂利頗豐，現因工場地點，設在增江，擬期發展，並定改設上海地方，即日遷移。
 省立實業機關，公同呈請該廳長，以各廠因困難，無流動資本，應請開北水電廠官本，由廳長負責，統籌辦理，或劃辦江蘇銀行，或分在各省立工廠，則資本充足，一併附圖，並附附到，准此，除分

寶香

寶香

解

張雲霄撰

卓忠貞公嘗齋書於北極... 寶香山... 而不志於山靈... 樂又嘗齋書山中... 去來泊障... 依此... 圖此... 張雲霄撰

卷

卷之...

記

里月... 畫... 十... 門... 東山...

數發一聖以黃雲色裡將餘表身昧知為我身以十
具以以天雙之劍東南天裡十精即春真之文卷亦
香山志吾懷里指脈到能不當卷以而通以有懷寶

苦志勇力文多九百五子也

而文無真對觀於之若然四面眾之越昔心斷外
矗立霄雲排故自顯靈氣於水晶宮中既不具

山面有真烟市山林限莫以以以寺東西兩卷香

巨熾十里非有觀計而兼有齊奇之具皆不指界北

東臨孤蕙山中東南為百層巖巖朝觀地味九臨

寶香山志



寶香山館集卷十八

行述

元配薛恭人行述

嗚呼天何奪我賢內助之速耶余少遭坎坷婚頗晚
受室後宦學奔走恒終歲離過與恭人晨夕聚處者
惟官京師八年日詎意出都甫二旬恭人遽棄余而
長逝耶恭人姓薛氏世居邑東郭外薛里父附貢生
簪巖先生諱淮母蔡太孺人邑著姓恭人少失怙依
姑母後歸安定薛孺人成立婉婉聽從為祖母夏太
孺人所鍾愛余家與薛氏有世誼先君子見皆後吾



母吳太恭人爲余擇配久未就間恭人賢迺委禽焉
年十九來歸柔嘉惠和舉動一循禮法吾母一見輒
爲余賀得佳婦居平簡重寡言笑喜愠不形於色侍
吾母及先庶母楊太安人十餘年視寢調膳誠敬篤
摯無幾微拂意指外家饋遺至悉敬奉吾母以待頒
賜臧獲輩小失誤必多方爲排解或代引咎里黨中
有以緩急告者吾母樂施予或虞難繼恭人多贊成
之故內外稱恭人之賢吾母待之亦異於諸婦恭人
彌自飭無矜容娣姒之間怡怡如也余久困場屋益
發憤負笈遠遊積歲月始一歸歸又輒別去恭人從

容爲治裝雖纖悉必周備臨別無戚容別後亦不復
問遠人消息吾母每私怪其愨恭人間之撫然曰余
豈木石作心腸者念堂上春秋高懼傷老人心強自
抑爾其事余尤恭謹衣服不並列飲食不先嘗小大
事皆請白率順從無齟齬遇有過舉婉轉規諫如益
友或詞氣小不合余色變輒溫然以他語博余歡如
賓之敬廿餘年如一日殆庶幾以順爲正者入京後
佐余內政米鹽凌雜賓燕應酬皆恭人身肩之暇
則率諸妾課針黹絕不問閭外事值余早朝必和衣
假寐以聽更漏余辦理館務或校讐至深夜挑燈秉

刀尺以俟余體偶不快輒徬徨終夜不能寐寒暑衣履更易率先期點檢常膳皆自烹飪待婢媪無疾言遽色家人輩有勞勸時慰問以獎其勤故余在館職數年無內顧憂者恭人勲贊力之居多然精神已自是疲恭不可支矣恭人素患腳氣疾乙亥秋肘驟腫艱於行時上發頭面及胸腹間至丙子春屢更醫未效夏秋之交病稍瘥恭人已久厭藥餌余亦以治行無暇兼顧八月初四日出都門病霍然良已飲食語笑如常時余竊喜中秋得寒疾旋愈然神氣殊奄奄不振詢之以無恙對二十日渡河雨寒甚舟膠自辰

遂

至酉始泊岸長途困頓數遭險艱益昏憊不自知二十三日發新安已刻抵鐵門鎮行館風痰猝湧鄉僻無醫可延余又不諳方藥竟坐視不能救至夜分溘然長逝瀕危猶力疾瞠視淚涔涔注兩頰間嗚呼其可哀也已恭人體素羸于歸後久未育勸予置側室親愛如女兒服食皆與俱見者不知其為嫡庶也吾母以家中食指多命諸婦分執爨恭人躬親煩縟春秋祭祀牢醴必精潔姻賓至治具咄嗟立辦務求豐腆內兄弟來殊平平不甚措意嘗謂婦人厚私親而薄賓祭吾甚非之竊不願效尤也性恬淡無所好常

服布素多手織浣濯縫紉至微甚不可補綴乃易去將出京余爲易簪珥數事輒麾去尤不喜燕游諸年家姻好之隨宦京師者所往遠僅十餘家亦不甚數數然相見後莫不愛其樸誠交口贊譽之送別時戀戀不忍捨猶執手爲異日約嗟乎孰意一別之竟成長別也先是己巳夏余承

恩命留京職促眷屬入都恭人雅不欲行吾母泣然流涕曰吾不忍令新婦違吾所念兒子身在京邸非新婦無可料理者他日得一小差遣稍報

國恩當輒歸以圖歡聚耳在都中數年聞有自故鄉

來者必審問吾母起居及齒髮何似聞致旨甘或手製衣履託親友歸獻家問偶逾時輒走卜安否無虛日每謂余太恭人壽益高君精力亦稍衰盍幡然作歸計余因循未果丙子夏奉出守渝州

命恭人以蜀距家更遠欲先歸侍色笑而病體久不痊又無親子弟可輔行者遂中止嗚呼使早知其如此當決計偕歸必不以升斗之祿牽帥病軀使僕僕於道途間以至於死竟不獲終侍吾母也逝者有知其能無恨於九泉耶恭人生於乾隆甲午年正月十二日亥時卒於嘉慶丙子年八月二十四日子時年

四十有三無子女以余伯兄次子郡庠生棧為嗣恭
人志也

顯妣吳太恭人行述

嗚呼痛哉不孝等此生竟不獲再覩慈母之面矣悠
悠蒼天曷其有極痛自先大夫見背三十二年庶母
楊太安人又繼逝方幸太恭人壽逾耄耄神明不衰
可長託慈蔭何意天降鞠凶奄忽棄養不孝培元等
侍奉無狀不孝培厚戀祿忘親弗克奉湯藥視含殮
搶地呼天萬死莫贖惟念太恭人徽懿流慶不及今
撰附家乘久就湮沒則不孝等罪戾滋重用敢吮血
濡毫詮次大略冀四方之賓來辱臨者賜覽觀焉太
恭人姓吳氏邑隱君子六書公次女公淳德懿曜孝

行篤摯家範尤嚴肅有顏柳風太恭人少敏慧讀書
通大義自女工絲麻酒漿外稟承家訓動循軌則年
十九歸先考贈朝議大夫直菴府君逮事先大父母
怡顏承志治家政井井有條克勤克儉先祖考敬穆
公易養時謂新婦賢且才必大昌吾家歿可無憾時
祖妣葉太恭人春秋高先大夫伶仃子立熒熒在疚
晝庀外事夜挑燈治舉業無暇內顧太恭人經營室
家躬親煩苦鷄初鳴即起盥櫛率家人操作至漏數
十下甫就枕佐先大夫營邱壠建宗祠治諸姑奩嫁
織悉周至躬自襁抱不孝等成立不假手乳哺調和

內外姻黨盡得其歡心遠近咸嘖嘖稱賢助先大夫
性剛直意面折人過非禮相干輒怒形詞邑太恭人
每以過剛則折之言相規勸且委曲爲調劑多得解
事先大夫四十餘年婉婉順從無幾微違忤先祖妣
壽躋九旬晚歲尚健飯日御酒肉太恭人必手調滷
瀨躬奉之復侍徹以防哽噎及卒哀毀盡禮歲時祭
祀必泣瀟絜必親饋待庶母楊太安人如女兄弟楊
太安人亦視太恭人如母終身無間言不孝培榮等
依依膝下愛逾所生論者謂有鴉鳩均一之德焉不
孝培元等甫就傅先大夫督課棊巖動加咨榘太恭

人心內憐而義方之訓不少假每歲延師家塾供奉
誠敬恒手自點檢有以毋自苦爲勸者太恭人撫然
曰人棄其子而教吾子不重報禮能望吾子成立耶
不孝培厚少受知於彭雲楣竇東臯朱石君諸先生
每試輒冠軍不孝培元等亦相繼入邑庠先大夫嘗
從容謂太恭人曰吾生平數陰事爲人所不能爲子
孫當必有興者未知吾能及見否耶歲丁未先大夫
寢疾纏綿牀褥間幾半載太恭人衣不解帶者數月
泪捐館痛亡撫存哀動隣里戒諸孤善承先志以不
孝培幹甫弱齡愛憐尤甚不孝培元等持門戶事必

關白太恭人輒以夫死從子爲辭然每遇大疑難應
機立斷洞中竅要不孝培厚屢躡場屋時亦佐諸兄
綜家務稍稍廢書太恭人嚴加訓責命負笈游杭越
聞從良師友請益又爲援例就教職俾身心有檢束
洎不孝培嶽培芳游泮水甲子培厚舉於鄉戊辰成
進士入詞館授書至太恭人輒然邑喜曰吾今可以
報先夫於地下矣初太恭人年七十不孝等謀稱觴
不許命量減今年佃租以振窮乏至是不孝培厚乞
假歸爲太恭人八十壽復不許再四懇請始勉從仍
蠲佃租且戒毋糜侈兢兢以滿招損謙受益爲訓當

是時叙樂一堂綵衣拜慶壽觴舉慈顏和固不慮有今日之雪麻環泣抱恨終天也假滿不孝培厚治裝將入都依違不忍別太恭人訓之曰汝受祿於

朝宜以身許

國有諸兄弟在母以老人為念嗚呼言猶在耳詎意不孝牽衣泣別之時即與太恭人終身永訣之日耶哀哉痛哉己巳不孝培厚散館授編修恭遇

萬壽覃恩得加級請

封典是冬眷屬入都詢悉太恭人起居無恙私自慰

官京師八年疊蒙

聖恩充鄉會試同考官兼纂辦文穎館治河方略太恭人屢寄書勗以勤慎丙子歲出守渝州道險遠不克奉板輿迎養太恭人復以書來誨曰汝素性拘謹諒無他過所慮者缺繁而才力不逮耳牧守為親民之官不獨重刑宜慎即輕罰亦不可濫施鞭撻一加數世蒙垢汝其志之不孝培厚承命不敢違頌太恭人體素羸自先大夫中年違棄子身支柱為不孝兄弟及諸孫孫女輩營婚遣嫁心力交瘁壬申以後庶母楊太安人暨冢婦唐氏介婦胡氏與仲弟培篤夫婦諸女孫先後繼逝丙子八月不孝培厚婦薛氏又

道卒函關旅櫬歸棖觸傷感百憂涖罹神志內感蓋
元氣已耗敗不可支矣而親舊自南中來者僉謂太
恭人目聰目明髮尚黑而步履康健卽期頤可必致
嗚呼使蚤知其如此必不以萬鍾之奉易吾一日之
養也哀哉痛哉太恭人慈惠柔和出於天性燕私無
惰容以禮法自律而御下極寬恕子婦輩偶拂意惟
內訟使自愧悔待臧獲無疾言遽色自奉菲薄食不
御梁肉常服惟布素身自縫浣至敝甚不可補綴乃
改爲遇賓祭則豐腆如禮親鄰以急難告者必周卹
無佞色居常藥餌不離口然不受補益左腕少受濕

患癘疾二十餘年恒刮摩至血出夜臥只數剋率披
衣端坐達旦暇則令諸孫講孝友故事或與諸子婦
圍坐說先舅姑艱苦及身所閱歷以相戒勉其生平
不佞佛不觀劇不私外家親樂不忘約老而益謙尤
恒情所難當爲先大夫佐理時有隣翁以田宅就售
徙他所已數年翁病亟怨家啖其子昇至輒棄去若
將甘心者太恭人出湯餌殷勤相勞苦翁慙且泣立
命呼其子昇去仍遣人以金粟厚饋之里有惡少年
倚醉持白刃沿門強貸遇培篤於道索貸金若干答
以翁他出當稟命吾母爲若計輒搖手避去戒無令

太恭人知其爲人所敬服類如此甲寅乙卯間歲浹
饑米價騰湧不孝等謀減價出糶爲隣里倡太恭人
曰不可欲市德而府怨於人糶將愈閉且召釁毋寧
仍其價值而陰加權量以償之又密戒家人待糧糶
遠道來告糶者先投餐而別裏蔬飯遺之歸皆喜出
望外庚午又大饑道殣相望令加量出糶如初不孝
兄弟等時以食指繁重先析炊奉慈命各捐米若干
石諸鄉隣之好義有餘粟者爭舂糶置公局減市價
什二三兩閱月廼止故是歲閩郡流離而吾鄉無賣
兒貼婦者太恭人全活之功居多不孝培厚官渝州

聞遣人歸省必申前訓且戒無遠携土宜爲清白累
以郡舍公積繁稠內無專政爲聘繼室前薛氏女弟
遣嗣子斌偕來而命不孝培芳等輔行至漢陽歿前
數夕不孝培芳自楚歸太恭人氣息奄奄猶力疾詢
行程計可抵官廨曰兒內政有主吾無憂矣嗚呼太
恭人之拳拳於不孝培厚者至彌留猶不釋而培厚
昏瞢狂惑不早棄官歸養乃一誤再誤至於斯極臘
月二十七日凶問至備述太恭人於夏間抱恙旋就
瘞中秋後飲食倍進氣體更豐睱家人輩咸相慶九
月半驟感寒疾醫投清解藥不應改服參桂病轉劇

強啜粥數匙輒麾去而神氣清明矚然若猶望唐
子之歸者嗚呼不孝培厚之罪上通於天而天之降
禍於不孝培元等者何其酷也哀哉痛哉太恭人生
於雍正己酉年五月十九日巳時卒於嘉慶己卯年
十一月初一日子時享壽九十有一

誥封太宜人

晉封太恭人子八長培元附貢生娶項氏國學生明
儒公次女繼娶曹氏唐氏皆先卒再娶孫氏歲貢生
鳳崗公次女次培篤增貢生娶游氏平邑國學生朝
佐公次女妾吳氏皆先太恭人卒次培厚廩貢生嘉

慶甲子舉人戊辰進士翰林院編修四川重慶府知
府娶薛氏

誥封宜人晉贈恭人附貢生魯巖公長女先卒繼娶
薛氏魯巖公四女妾張氏次培嶽增貢生娶蔡氏國
學生永熾公次女次五官幼殤皆太恭人出次培榮
國學生娶陳氏平邑貢生元輔公四女次培芳邑增
生娶胡氏邑庠生壽齡公女先卒繼娶陳氏次培幹
候選州同娶鮑氏平邑國學生某公女皆楊太安人
出太恭人生女二長適庠生陳榮次適吳崑岡皆先
卒孫男十七長榛邑庠生娶平邑岳氏次棧郡庠生

娶平邑伍氏皆培元出棧出嗣培厚次毓棟業儒娶
平邑周氏培篤出次毓瑛業儒培嶽出次毓柱毓楨
皆業儒培篤出次毓俊業儒培榮出次毓梓業儒培
篤出次毓琪幼培嶽出次毓任幼培榮出次毓樞幼
培幹出次毓楠幼培芳出次毓樞幼培幹出次毓塗
幼培榮出次毓蕃幼培元出皆業儒次毓壺幼培幹
出次毓楫幼培芳出女孫十培元者四長適平邑周
增賢次許字平邑陳文字三四未字培篤出者二長
適國學生徐寧淮次未字培嶽出者一培榮出者一
培芳出者二皆幼未字曾孫二長字珍幼棧出次希

珍幼毓棟出曾孫女一棧出不孝等苦塊荒迷語無
倫次伏祈大人先生賜之銘誄以光泉壤則不孝世
世子孫感且不朽

先考直菴府君行述

嗚呼我府君見背之三十一年吾母吳太恭人繼卒
越四年始合葬於本縣二十五都澄頭山之原坐丙
向壬兼子午分金以庶母楊太孺人祔又三年不孝
培元懼府君之嘉言懿行浸以失傳將礮石而窆諸
幽爰和淚濡筆猶述崖略命不孝培厚走乞銘於大
人先生以垂不朽焉府君姓林氏諱中鳳字□□直
菴其號也先世自閩之赤岸徙居瑞安雍垵村曾祖
考思恭公祖考迎時公妣氏殿考應魁公贈文林郎
翰林院編修妣氏葉贈孺人迎時公始遷居塘下村

一傳至應魁公復自塘下遷興頭先伯考起秀公早卒府君其次也少穎異若成人甫就傅輒束修自好不苟言笑同舍生皆畏而敬之書法師顏柳風骨道勁片紙隻字必端楷爲文以氣勝遺稿數十篇多獨到語逾弱冠應魁公捐館舍府君毀甚既屢屈有司兼庀家事服闋後棄舉子業援例充太學貢生遂專治家人生產克勤克儉家日以豐平居手不釋卷喜多識古賢達格言每舉存好心行好事做好人三語相勗勵既自以不能顯揚爲隱恨督不孝葺館課尤嚴恒襪被宿外舍夜五鼓輒催令起讀於音韻字學

尤極究心少嗜酒能豪飲偶過酣卽席嘔血遂斷杯中物數十年至晚歲始復故性剛毅不避強禦每面折人過聞親友有急難奔赴之惟恐後家居嚴肅有禮法無嘻嗃之聲家人輩不少假辭色無事輒正襟危坐不冠帶不出戶

祭文

祭因圖二先兄暨先嫂游孺人文

嗚呼吾兄性成剛果腹有詩書胸無城府直道而行
克繩先武宰肉心均折肱功溥酣適糟醕綯戶牖
謂享遐齡胡纏二豎邁母心心孤兒薄祐俾諸兄弟
獨行踽踽嫂氏儉勤潔蠲錡釜內政式襄母儀克樹
奈天不弔後先埋土某以庸愚忝依同父少共雞窗
長陪雁序四十餘年分甘喻苦燕蜀宦遊沉迷簪組
屢書促歸彌留延佇倉卒星奔痛纏陟岵追念訓詞
悔恨何補茲拜几筵敬陳樽俎望靈鑒歆庶幾勿吐

尚饗

先大夫... 尚饗... 祭文...

祭文... 祭文... 祭文...

祭文



先大夫告文

嗚呼自我先大夫見背十有七年不孝孤某始得舉於鄉又四年成進士入詞館假歸省視依奉几筵甫兩閱月假滿旋入都供職已巳散館仰託慈蔭得蒙聖恩授職編修官京師八年兩為鄉會試同考官丙子京察一等

記名出守重慶兩護川東兵備道篆務凡此致身通顯歷任清要豈某之力能自致先大夫之積功累仁實陰相之而某昏瞶無知不早陳情歸養至去臘二十七日始聞先大夫祭人訃音搶地呼天悔恨無及茲

於本年四月初九日自重慶請咨回籍於六月廿九日率新婦薛氏妾張氏等回家守制願瞻筵几音容渺然不勝悲愴謹循出告反面之義肅修酒饌祇薦靈筵伏冀鑒歆敢告

祭某夫人文代
嗚呼珠瑜閱彩寶婺潛輝霜凋蓮井月冷護闈遠依
慈蔭遽謝春暉杯棬雪涕敬溯芳徽維外祖母馭風
蘭馥鍾郭華望崔盧望族內則箴嚴公宮教肅婉婉
女宗柔嘉邦淑挺生岐嶷韞秀璘斌蔡琴辨慧鮑
吟新漿配酌劑刀尺繼紉爭傳花格雅擅鍼神時我
外祖篋衣香燕婉思求鳳占叶兆林下風清房中
音嬾嘉耦日妃善心為窈克相夫子兼撫諸孤小心
翼翼柔氣愉愉鳴鷄夜警挽鹿晨驅米鹽靡吝躬儉
習勸德不自矜才不自炫漪瀧敬供綺筐潔薦涼沆

祭某夫人文代

嗚呼珠瑜閱彩寶婺潛輝霜凋蓮井月冷護闈遠依
慈蔭遽謝春暉杯棬雪涕敬溯芳徽維外祖母馭風
蘭馥鍾郭華望崔盧望族內則箴嚴公宮教肅婉婉
女宗柔嘉邦淑挺生岐嶷韞秀璘斌蔡琴辨慧鮑
吟新漿配酌劑刀尺繼紉爭傳花格雅擅鍼神時我
外祖篋衣香燕婉思求鳳占叶兆林下風清房中
音嬾嘉耦日妃善心為窈克相夫子兼撫諸孤小心
翼翼柔氣愉愉鳴鷄夜警挽鹿晨驅米鹽靡吝躬儉
習勸德不自矜才不自炫漪瀧敬供綺筐潔薦涼沆

冰絲晴牕繡絨中饋不愆內宗咸美咄嗟賓歿
家持男錢雜佩女悅紛披芳蘭競秀樛木流慈炊周
里戚澤普廬兒惠問川流義方機斷圖史光騰膠庠
譽滿荆樹初分椿陰倏散白髮蒼顏纏悲眉益維
舅氏陔養承歡孝乎惟孝大山小山盈庭杞梓繞膝
瑤環含飴晝永戲絲衣斑誥竚五花籌添八表神明
不衰康強逢吉罡風下吹慈雲頓失詔促瑤池塵封
璇室嗟某兄弟誼托涓陽鞠凶洵告怙恃雙亡網繆
恩紀仰藉高堂胡天不弔寸斷棟陽宅相空期徽音
永閱鶴馭鸞駟霞裳月帔感念莪蒿銜哀玳筵桂醕

虔對

流涕泗哀哉尚饗

溫

哀詞

林孺人哀詞

嘉慶七年六月有六日宜亭世兄喪其配林孺人年
甫二十有一余以師門誼弔於喪次廼悲不自勝爲
述孺人之淑德懿行寫其真而屬哀詞於予予傷孺
人之賢且才而不永其年重感宜亭之篤於伉儷也
爲序而賦之其詞曰

悲夫賢媛之早逝兮曾旭旦而暉藏衍三山之靈派
兮鍾巴濮之奇祥少讀書而明義兮承家學之青緗
東柔嘉以爲則兮振玉穎與蘭芳景清白之遺裔兮

聯世好於門牆迨瓜年而作嬪兮侍君子之輝光星
熒熒而鵲駐兮期靈匹之綿長肅如賓之鴻案兮碩
人慶其篇章勸姑嬋見背以 忽兮羹湯作而誰嘗
奉白眉之仲父兮將隨侍乎琴堂義從夫以遠征兮
辭三峽而下錢塘賦宜家於富春兮佐中饋之酒漿
分愛日於猶子兮詎慈萱又忽實乎嚴霜隨純孝以
同樂兮呼天愴以徬徨師母夫人逝世 勉操持乎
內政兮心惴惴其未克當上潔承歡之滌灑兮下撫
諸孤與小郎均仁恩於婢獲兮兼溫忠與矜莊方芬
絲之就理兮又稅駕乎橫陽屈雙姝之乘龍兮壓金

綫而助粧借施衿而結帙兮叶和鳴之鏘鏘

兩世婦于歸俱

孺人粧恹一枝之先萎兮羗比翼而孤翔撫呱呱其

何恃兮願慈烏之代將去秋大世婦病卒翳食少而

事煩兮固昔人之所傷壯夫之力且不支兮矧蕉萃

之姬姜驪駒倏其命駕兮復自甌而徂杭朝發軔於

安固兮夕西濟乎蜃江括嶺摩天而峭崿兮嚴灘轉

石以雷礪逐千里而長驚兮遭鬻子之中殤負的勞

之重寄兮迫沈痛之斷腸謂長齋繡佛可永年兮胡

日就乎羸屣却參苓弗御兮知受命之否臧湖山信

美非吾土兮將懷歸乎故鄉荷恩慈之垂念兮九頓

首其敢忘病亟時振齋夫子入視慰以秋涼暫送還蜀孺人猶力疾拜謝整玉臺之

釵珥兮飾金縷之衣裳肅夫君以陳詞兮泪流襟之

浪浪勗韋絃以紉佩兮哀永訣於一觴卒之前一夕強整粧與宜

亭飲諄諄勸勗覓返魂而無術兮窮碧落之茫茫誓若預為訣別者

同心於六載兮何一朝之不雙抱武君之陳篋兮撫

潘令之空牀情倘恍其安託兮寫遺容以審詳匪佳

人之難再兮怵徽音之永亡忝師門之久侍兮欽德

珮於珣璣惟喪淑之同軫兮屬質言以載揚感伉儷

之情重兮歌楚些以心愴慙燕詞之未稱兮將待乎

彤管之煒煌

寶香山館集卷十九

雜著

學卦序

揚子雲草太元擬易史臣以吳楚僭王罪之宋邵德

芳作忍默怒退四卦明何廷秀秀作忠勤廉慎四卦

以及彭濟物之邃鄒至道之信文德翼之隱皆句摹

字仿依傍聖經要其意主警勵於銘盤書紳之義猶

有取焉若字文材筆卦曠宗舜芝卦雖借資頌揚已

不免游戲筆墨至輓潘純吞蔡搶衛謹論諷屬本諸作則

直侮聖人之言與僭經同罪矣余塾課暇仿其體

作學卦以示諸生蓋竊取古人警勵之意云僭與侮夫何敢

三三學卦

學元亨利見大人利不息之貞不自滿吉

學覺也內實外虛兌說巽入覺之義也中畫直貫六爻有貫通之象故為元亨二五皆陽剛得中故其占為利見大人內外互體皆乾健行不息上六說體陰虛故其占利不息之貞而又能不自滿以虛受人則吉也

象曰學覺也外虛內實說而巽學

以卦體卦德釋卦名義

學元亨道大通也利見大人剛中而志同也

以卦體釋卦辭

利不息之貞行健而久有功也

以互體釋卦辭

不自滿吉學無所終也

復以卦體釋卦辭

君子學以致其道先知覺後知先覺覺後覺學之時義大矣哉

極言之而贊其大也

象曰風澤通氣學君子以遜志務時敏

風感澤受二氣相通學之象也

風感澤受二氣相通學之象也

初六志於學无咎无譽

居學之初陰虛巽入故有志學之象而其占則无咎无譽也

象曰志於學安得咎也无譽中無所有也

入學之初虛無所有何以致譽

九二學於古訓實其腹朋來元吉

二居下卦之中有腹之象陽剛中實外无係應而初六自下比之故其象占如此

象曰學於古訓大有獲也朋來之吉其腹實也

九三獨學无友

剛而不中上六正應又為三四所隔故獨學而无友也不言占者其學可知矣

象曰九三无友剛不中也

九四不學無術吝

九四重剛不中居下之上已遠巽體不學无術以臨其民取羞之道也

象曰不學无術剛過不可通也一行作吏其道窮也

九五大觀在上天下文明

陽剛中正以居尊位又當說體學之既成明明德以新民者也

象曰大觀在上稽古崇也兼善天下德光明也

上六虛受元吉利永貞

居上體虛下應九四虛心下賢何吉如之以陰柔處卦極故又戒以利永貞也

象曰虛受下賢乃吉也

用九一以貫之

博反約之妙卦之全旨胥在於此

象曰一以貫之會其有極也

會合而來也道一而已學至於貫則萬理畢會而為學之極功矣

寶香山志

東甌雁蕩山水甲東南然皆層巒複障蜿蜒起伏綿亘數十里非有勝情而兼有濟勝之具者不能得此山真面目其城市山林則莫如江心寺東西兩浮屠矗立霄漢狀如巨艦簸搖於水晶宮中頗不異金山而又無裹糧蠟屐之勞然四面環江遊者必藏舟始可登或猝遇風濤輒興盡而返亦非几杖間物也寶香去吾鄉里許視雁蕩不啻卷石而面江背郭寶具江心天塹之險東南沃野十餘頃春夏之交菜花燉發一望如黃雲遍野秧鍼麥浪相映成趣長江千里

月明如畫遠望雪城數十仞起海門經東山折入飛
雲雷轟電捲直奔大小港雖杖叔廣陵之觀何以過
此冬則寒江雪霽四山盡白估帆漁唱若滅若沒於
沙洲叢葦中爾時詩思當不減灞橋驢子背上而志
乘所載寥寥數語余幸生長是鄉與茲山有夙契
又嘗讀書山中松風江瀨目遇而自得之者詳闕而
不志恐山靈笑人寂寞也長日無事聊撮其大略如
左以俟好事者蒐採焉

寶香山崛起平地雙峰峭壁東環小浦南臨平野明
卓忠貞公嘗讀書於此緣僻處鄉陬遊屐罕至而新

舊郡縣志率皆收載豈非地以人傳歟志稱其三面
臨江惟西北一帶江流濛濛昔人謂陵谷變遷猶信
雙峰寺宋 間建乾隆庚寅年僧某易而新之制

頗宏敞前五楹供彌勒韋陀像後七楹供釋迦大士
及伽藍諸神像皆雇江西匠以樟木爲之琢鏤精巧
金碧煥然兩廊左右懸鐘鼓各一其東偏爲香積廚
寺在兩峰之間故曰雙峰繚以周垣垣外雜植筍竹
梵唄一發清風簌然惜竹上爲白鷺所巢千百成羣
飛鳴嘈雜至人語不可辨余嘗讀書寺中夜半聞磬
戶聲輒驚起嘖嘖江天外又有若老人咳且笑於山

距寺右平地三丈許爲內港每當潮汐落際白石齒
齒高下林立衝湍迴洑漩流而下山上松濤設設與
水石激鬻聲相和石傍螭房累累如苔蘚作蒼白色
渡舟順流而下輒迴舵避之恐石碎裂故也

寺東有古井一不知何年所濬深不可測井去江纔
數丈色清味淡與他山水無異彷彿金山冷泉惜
不甚甘冽寺僧烹茶供客者率取之黃庵山上井
由井北山麓盤曲而上徑偏仄纔可通人竹木蕭蔚
深夏卓午不見日躡石蹬數十級豁然開朗江山

城郭歷歷在目山背空坦如平地方數十畝中構營柵
三楹明洪武間倭寇竊發信國公湯和奉命巡視沿

募修楓嶼塘路疏

贊官路義舉也曷疏乎爾易文言曰利物足以和義
義非利不和義之所在一二人利之什伯人共利之
均義也一二人出所利以利之而其利實千萬人所
同被其義非一二人所能獨任惟什伯人各分所利
以爲利則其義和而其利乃愈溥吾鄉沿河官塘自
河頭西抵寶香外袁廷將十里圻岸陟剝徑石險仄
困於崎嶇於艱脆者數十年於茲矣夫四郊多壘士
大夫之恥也道蕪不可行沾於顛危而莫之省憂亦
吾桑梓之恥也議共傾橐金以伐山骨缺者補剝者

培設者平窄者侈計土石畚撮之費不貲非衆傳其
力而厚集之則弗成世有醜金以創寺觀者矣有竭
資以施僧道者矣傳云人之欲善誰不如我孟子云
義者人之正路也以義舉必以義應繼自今徒行者
騎者輿者負且荷者老弱而廢疾者風之晦雨之夕
履道坦坦出泥塗而砥矢馬是非千萬人之大利與
一二人出所利以利之什伯人分所利以利之上裨
蕩平正直之化下載傾邪險之情所謂利物和義
者孰要於此爰爲之疏以告諸君之共由斯路者

擬募捐資疏

渝城三面臨江惟西南佛圖關一線鳥道盤空蜿蜒
雄據天險控扼吭喉實川東保障要隘昔人於此地
建設石關稽查巡緝以備禦奸宄阻固巖嶮而歷年
久遠卡隘傾圮巡邏卒役至棲託無所揆諸守險備
豫之義竊滋懼焉夫謹藩籬嚴鎖鑰守土者之責而
全城廬井柳北地當水陸之衝百貨隱賑鱗萃膺集
其所以未雨綢繆使宵柝不驚夜犬無吠者尤億萬
生靈無疆之休也舊志稱江州地勢側嶮皆重屋累
居數月火害近歲以來鬱攸滋虐固緣地勢亦絀人

謀語云火爲水妃城中向砌七星池厭禳制化水缸
水池復節次增設而嘻出告警春夏之變猶惴惴然
心悸何則水器之未備火械之未利人力之未齊猝
有不虞輒惶遽無所措手足從薪曲突可弗豫籌且
神者人所依捍災禦患繫神是藉今武廟裡祀遍天
下而帝君忠義之氣與日月争光其照臨於巴蜀間
爲最近往歲放匪煽毒兩川震驚獨郡城靈威所攝
安堵如故是神之福於渝民尤大馨香之報理固宜
然廟制閎整壯麗創自明季閱今數百年爲風雨所
彫剝每與諸僚友歲時習禮見夫楹桷頽敗丹雘黯

黝無以肅觀瞻而昭肅靈然傷之傳所謂成民而
致力於神之謂何夫食其德而不報其功非義也享
其成而不圖其繼非情也固險以衛外弭患以安內
而甕攝呵護於內外間者必歸於享佑之明神綜此
三篇端昏爲要務第其費不貲一切土木錫石瓊甌
塗墍之需約不下數千金非集腋以成合輻以輳不
能藉手奏績爰暨文武同僚捐廉倡始尚其闔城紳
士與夫行商坐賈無分主客無憚鉅艱慨解義囊共
襄盛舉裒集若干並公舉殷實紳商妥爲經理官吏
毋許交涉致多掣肘庶幾剋期告成安民安神垂裕

不朽一舉而三

一歲中向砌七星池厭禳制化水缸

春夏之變猶惴惴然

之未齊齊

春
夏
秋
冬
一
之
未
齊
齊

三
四
五
六
七
八
九
十



祭天津府城隍祛蝗文

維年月日天津府知府林某敢昭告於本府城隍之神曰五行稜沴謫降自天惟神聰明慈惠能為民禦災捍患明裡報享勿懈益虔今津郡頻年水旱民力凋敝某奉

天子命來守是邦夙夜兢兢一意與民休息所冀雨暘時若年穀順成而蝗蝻孳生傷害禾稼守土之不職以作神羞用敢潔蠲致禱望於三日內速賜驅除投諸東海以甦民困實感大德不勝激切待命之至

此龍東... 顯... 知... 天... 災... 轉... 錄... 祭...
(Faint bleed-through text from the reverse side of the page)



大名關廟內祈雨疏

竊惟一年之計樹穀盡地利必藉天時三日以上為霖仰神庥尤資帝力茲因大名道所屬統計數百里而遠冬麥萬隴未霑於潑火秋禾播種一犁尚待於融酥民望澤其甚殷天屯膏而未沛守土之官不職降謫何辭成民之義在神舞雩有典是用虔誠齋沐禁止屠沽恭率屬僚敬申呼籲惟上帝本好生為德况聖人尤潔患為心念連年積歉之餘瘡痍未復當百穀仰膏之際注澍難違伏祈代籲穹蒼迅施滋液出雲降雨溝塍潤而離畢先占自葉流根膏

澤多而豐年有慶仰叨福蔭竚荷雲庥干冒尊嚴不勝虔切待命之至謹疏

大邑關廟
萬曆十一年
...

關廟再禱雨文

謫降自天災將成於八九誠存為物瀆難已於再三
某等職業失修蘊隆為虐四野切俟蘇之望七城懷
焦卷之憂壇設經旬膏屯下尺吏誠有罪民實無辜
計時而已迫立秋望歲而彌殷待澤想微忱之難達
何甘澍之猶需用再度求仰祈昭格天心仁愛恩膏
豈靳於偏隅帝德高深靈響定孚於呼籲早既甚矣
神其鑒之

特其豐云

道深依前河而對出... 信和... 某若... 臨和日... 關廟再祈雨文

關廟再祈雨文

關廟祈雨文

省歲及月星每厘恒賜之懼出雲為風雨必資靈祐
之昭前因甘澤愆期設誠致禱荷帝心之降鑒欣澍
雨之優霑今茲旱魃為災秋禾將稿六月徂暑寸衷
倍切於焦惶三日為霖閩郡急需於滂漉守土之官
不職降謫何辭成民之義在神誠求必應惟有齋心
九頓省過三薰設壇而茹素以求易服而徒行以禱
伏冀俯憐下悃代籲上蒼濃雲勃發於山川甘液普
滋於郊野蟻封叶筮雨公田而及私田魚夢符占澤
下尺而生上尺竚昭靈響仰望鴻庥不勝虔切悚惶

之至

山至上天注部靈響所里... 終依時... 外其... 八... 不... 計... 西... 之... 亦... 國... 亦...

國... 亦...

大名城隍廟祈雨文

竊惟民為邦本食為民天必膏雨之應時始豐年之
兆慶郡屬自入夏以來雨澤稀少官民憂惶前經剴
切誠求雖蒙仰沛甘膏尚未渥霑注澍節過大暑竚
望西成而早秋欲枯晚禾未能一律普種守土不職
謫降自天用再省愆齋戒存敬抒誠躬率僚屬設壇
步禱並遣典史李毓芳前赴邯鄲碧霞元君靈井恭
請鍊牌虔取法水敬謹安設祇奉祈求仰惟尊神慈
惠聰明為一郡之福陰捍災禦患實賴神庥伏惟俯
憐下憫代籲上蒼迅賜大沛甘霖以蘇民困俾易枯

而潤轉儉為豐則感戴鴻慈實無既極不勝虔切待命之至

大名城隍廟祈雨文

望杏瞻蒲六穰必資於天覆焚香請澍四秋尤重於春祈日者節過清明時當耨種歎大風之有隧只是吹晴歌白雲之在天不能為雨何以慰三農之望而克遂百穀之生某等叨竊分憂俯慙無狀爰率僚屬虔禱威靈念降咎之有由編氓何罪願省躬而自理盆水可盟惟神默察丹誠潛通元感返鳴條而轉蕙適符長養之名散雜寶以傾河立降澆沍之潤將涸竭之憂無作保障同資亦豐穰之象可覩京坻待慶生爭金粟喜溢神人敢忘判澤之休佇報馨香之德

某年小月無事其...

其年坐野北一...

其年...

其年...

其年...

其年...

其年...

其年...

其年...



大名武廟祈雪文

五黃乘旺將回土脈於陽和三白占豐每散雪花於
歲暮茲者田看種玉殘臘頻催泥待融酥祥霽未沛
麥隴之仰膏已久茅簷之望澤綦殷某等奉職多愆
齋心請命故蠲吉日虔禱明神伏期密布同雲濃霏
瑞雪藉瓊膏之滲漉滋碧穗之根料庶酌兕升堂預
慶大田之多稼遺蝗入地併徵來歲之有秋佇賴神
庥均霑郡屬

祭風伯文

竊聞噫氣原能舒物感時不詭鳴條或彰德於洛邑
元公金滕納策且徵祥於清河太守管輅明占皆聖
則動唯時若故當之感曰快哉豈合揚塵走石累日
浹旬不語明庶之期徒奮陰陽之怒將樹幡於上苑
花訟封姨詎置嬰於神厨寒生肉脯某等行過神廟
怒莫比於葛元祀紀爰居識竟同於文仲度酌溢酒
請返颺輪虎共止嘯於谷鳶可免載於途則列子有
離合之徵風詩有飄搖之詠九真乍闔萬彙用成并
符雨應共沐神庥

大名道署龍王廟取水文

惟神靈昭鱗長職號雨師或躍在淵或潛於井聞順
流而化葉香霧還生驗噓氣以成雲甘露立沛是誠
克襄夫田祖而大有裨於農祥者也茲者清明已過
澍雨不聞二麥限上尺之生百穀虛仰膏之望豈惟
民困抑作神羞某等念粒食之維艱幸神靈之不遠
敬率僚屬共焚旃檀僉就靈祠虔求法水奠一杯之
可救含漱而

刻三日之為期誠祈而敢希

束指神其俯念嘉種速布層雲回少女於樹頭麾神
駒於道左鉢中噴沫水土以効靈簷際霏煙挾雲



雷而降澤倉箱有辛蘋藻魚鼈

再祭風伯文

維神歆吞噫氣噓吸元機擘柳吹花德本符乎君子
揚塵拔木雄或逞於大王伊官失其常斯神降之罰
念闔郡旱乾望澤待沛甘膏奈連旬霽勃飛沙頻煩
赫怒土脈倍形其枯燥麥苗漸就於萎黃矧復元已
既逾大田將種春不耕而秋何以獲夾有罪而民實
無辜前經率屬虔求仍聞鳴籟茲復抒誠籲禱竚望
迴飈伏祈迅霽德威宏敷慈佑易怒號而為和扇轉
沴氣以作禎符需雲頓起於西郊解雨頻霑於南畝
豐年有慶靈響於昭用軫民依上干神聽

黑龍潭取水文

維年月日大順廣兵備道林某謹遣署大名府經歷
李毓芳以香帛之儀敢昭告於黑龍潭龍王之神曰
維神智乘雲氣靈號雨師升天入淵變化不測所由
承帝命而降德於眾兆民也今茲穀雨屆期春膏未
沛原田乾燥望澤孔殷伏念神居近在南郭潛藏靈
澤豈不思挹注而布護之用遣屬僚虔請法水祇奉
祈求神所憑依皆其自為當不崇朝而徧雨四境也
佇望靈麻伏祈昭應謹告



[Faint bleed-through text from the reverse side of the page, including characters like '維', '承', '帝', '命', '而', '降', '德', '於', '眾', '兆', '民', '也', '今', '茲', '穀', '雨', '屆', '期', '春', '膏', '未', '沛', '原', '田', '乾', '燥', '望', '澤', '孔', '殷', '伏', '念', '神', '居', '近', '在', '南', '郭', '潛', '藏', '靈', '澤', '豈', '不', '思', '挹', '注', '而', '布', '護', '之', '用', '遣', '屬', '僚', '虔', '請', '法', '水', '祇', '奉', '祈', '求', '神', '所', '憑', '依', '皆', '其', '自', '為', '當', '不', '崇', '朝', '而', '徧', '雨', '四', '境', '也', '佇', '望', '靈', '麻', '伏', '祈', '昭', '應', '謹', '告']

寶寶孤為禱

祈求中誠感神其自感不常限而神雨四氣山

戰豈不思豈其西亦其多用動感於前忘小味春

秋原田稔穀豐彩北維為合軒亦道森雨惟謝風靈

承而命今茲歲雨為既春膏未

終秋甘春入豐慶而輔佐天人慨愛外不慨油由

春融老如香鼻之弟道謝昔飲思藉戰謙王之申曰

雖平良日天



黑龍潭謝雨文

有功德則祀禮特崇報饗之文所憑依自為神實顯
靈威之應前因大名道屬春雨屯膏宿麥將枯大田
未種某為民請命恭求法水虔禱明神果蒙默鑒悃
忱靈響不應甫三日而即霏瑞雪未一旬而再沛甘
霖泊乎浹辰滋膏滲漉統諸屬郡注 洌沱融酥而
羞艾勝歡潑墨而宿僚展慶繡膝擢穎因風飄解解
之香清 扶犁計日副篝車之祝仰荷重申之福祐
克符整酉之庠徵春樹萬家寫恩膏於土脈心香一
辦昭明信於溪毛敬薦精禋伏祈歆格尚享

聖朝一平三信... 其... 三日... 三... 自天... 祭... 雨... 天



衛河龍王廟取水告文

維年月日分巡大順廣兵備道林某大名府知府福
申謹遣大名縣典史劉文典以香帛之儀敢昭告於
衛河龍王之神曰維神憑依積水噓吸層雲分職衛
河注澍常周乎千里降康魏郡甘滋屢決於七城茲
因快雨逾期狂飈肆虐秋木未種泥待融酥冬麥將
枯地空畫餅羞艾共深其呼籲官民並切於焦惶用
遣屬僚虔求法水伏冀寶瓶一滴散成銀竹千條靈
液滂沱萬隴仰蘇於尺澤神膏優渥三農慰望於崇
朝無任誠求仰祈昭應

